



劔南詩彙目錄

卷第三十五

浮生北秋夜有秋夜紀懷能坐書懷二林

居秋日初七月二十四日作 枕上作時

聞臨海四明皆大水大書懷六秋陰至近

村冬閒居自述堂秋雨初霽試筆五幽懷

雨後出門散步二首 秋夜示兒輩 七

十二歲吟二雨夜讀書二首 秋晚二新菊

二首 九月二十八日五鼓起坐抽架上書

得九域志泫然有感 題橋南堂圖 題

吳參議達觀堂堂榜蓋朱希真所作也僕

少亦辱知於朱公故尤感槩云 舍北搖

落景物殊佳偶作五首自嘲 作夢五首夜

坐北園雜詠十首 龜堂獨坐遣悶二首

復竊祠祿示兒子 隴頭水 雪歌 春

近望永阜陵 初拜再領祠宮之命有

感 醉中信筆作四絕句既成懼觀者不

知野人本心也復作一絕五首 臘月十九

日午睡覺復酣臥至晚戲作 睡起至園

中 北園籬外放步 歲暮獨酌感懷

盆池對食 小踏蹬西海棠圖 丁巳正

月二日雞初鳴夢至一山寺名鳳山其尤

勝處曰味軒予為賦詩既覺不遺一字

初春春雨中作三首 縱筆 題慧老芋巖

立春日病中作

首二

立春日

首二北

望上元夜作長歌行讀書一枕上

作書志夜賦晚步漁歌山殘夢

書憤首二小舟遊西涇度西岡而歸

春行姜總管自築墓舍名繭菴求詩

湖上今歲遊人頗盛戲作

首四

賞花至湖

上莫春

首二

莫春

劔南詩彙目錄

卷三十
五終

劔南詩彙卷第三十五

浮生

浮生真是寄郵亭。短鬢忽忽失故青。睡少始知

愁有力。病增方歎藥無靈。謀生嬾似逢秋燕。訪

舊疎於欲旦星。自笑若爲銷此恨。濁醪聊復倒

餘瓶。

秋夜

高屐枯筇一老翁。燈前自笑髮如蓬。泠泠月浸

荒庭竹淅淅風凋古井桐病息未蘇秋尚淺醉
魂初醒夜方中故人萬里無消息便擬江頭問
斷鴻

書秋夜紀懷
自笑昔年海山外
缺月淡欲盡老雞鳴苦遲聊爲待旦坐不作感
秋悲魯叟一王法
幽人七月詩平生經世志老
死欲誰期

瞿曇起西域老氏奮中州談理一家說蠹民千
載憂橫流當有自獨立豈相仇垂世詩書在兒
童勿外求

又

北斗垂莽蒼明河浮太清風林一葉下露艸百
蟲鳴病入新涼減詩從半睡成還思散關路炬
火驛前迎

書懷

蕭颯新秋鬢龍鍾未死身不惟今日老已是一
生貧食菜從兒瘦關門任客嗔世間餘一念河
雒尚胡塵

林居秋日

桔槔引水遶荒畦病臥蝸廬不厭低小聚數家
秋靄裏平波千頃夕陽西亭臯艸木猶葱蒨天
上風雲已慘悽逋負如山炊米盡終年枉是把
鉏犁

七月二十四日作

閒拂青銅一惘然此生應老海雲邊涼颼入袂
詩初就幽鳥呼人夢不全天上鵲歸星渚冷月
中桂長露華鮮射胡羽箭凋零盡坐負心期四
十年
枕上作時聞臨海四明皆大水

撫枕時時猶歎歎阨窮已極畏凶饑雨聲浙瀝
孤齋冷客夢蕭條萬里歸山邑風雷移蜃穴海

城水潦半民扉如雲秋稼方相賀一飽還憂與
願違

書懷

漫道年來未極衰窮途憔悴實難支半分臂減
休文瘦七尺軀存曼倩飢尚憶青衫陪衆雋寧
期白首負明時悠然萬里煙波興除却沙鷗總
不知

秋陰至近村

村店閒尋酒筇枝瘦倚肩雲齊龍卷雨野曠鶴
盤天露井飄桐後清觴泛菊前欲歸還小立搔
首意悠然

閒居自述

自許山翁嬾是真紛紛外物豈關身花如解笑
還多事石不能言最可人淨掃明窗憑素几閒
穿密竹岸烏巾殘年自有青天管便是無錐也
未貧

秋雨初霽試筆

墨入紅絲點漆濃。閒將倦筆寫秋容。雨聲已斷
時聞滴雲氣。將歸別起峯。斜日半穿臨水竹。好
風遙送隔城鐘。遠遊更動輕舟興。太息何人解
見從。

首賞幽懷

菖茅架竹亦吾廬。病起幽懷得小摠。愛酒已捐
身外事。閉門猶讀死前書。鄰家人喜添新犢。小

市奴歸得早蔬。但使身安歲中熟。敢辭老境落
樵漁。

雨後出門散步

細水穿沙溜殘雲。扶雨歸不成。遊酒市且作倚
漁扉。老大徂年速。羈窮壯志違。破裘雖百結。猶
勝泣牛衣。

又

病葉常先實。寒潮只暗生。扶衰賴藥石。隨意出

柴荆細路牛欄溼疎籬績火明枯榮不須計千
古一棊枰

秋夜示兒輩

吳下當時薄阿蒙豈知垂老歎途窮秋砧巷陌
昏昏月夜燭簾櫳裊裊風縮項鱖魚收晚釣長
腰粳米出新礬兒曹幸可團樂語憂患如山一
笑空

七十二歲吟

七十入言自古稀我今過二未全衰讀書似走
名場日許國如騎戰馬時秋晚雁來空自感夜
闌酒盡不勝悲渭濱星賈逾千載一表何人繼
出師無天何劉晉晉海艱與靈骨不思於不思
樓主雨夜讀書裏闕未讀夜各本來安輩等入
風雨瀕洞吞孤村讀書擁褐不出門歷觀忠邪
見肝肺直與治亂窮根原傳巖之野感帝夢此
事難以今人論危冠長劔一見用萬里耕桑吾

道尊以令人備或疑其險之具用萬里持榮晉
具刊又直與白廣齋殊京動雖之理風帝夢此
思燈如螢雨潺潺老夫讀書蓬戶間但與古人
對生面那恨鏡裏凋朱顏功名本來我輩事人
自蹭蹬天何慳君看病驥瘦露骨不思仗下息
天山盡不難悲野實愈于雄一奏向人繼
各是秋晚園吹調輝照却殊鄉郵來空自慰交
聚落蕭條古埭東蘆蒲蓬戶臥衰翁井桐葉盡

新霜後衣杵聲繁夕照中身似敗棋難復振心
如病木已中空村醪酸澀君無笑也解燈前作
臉紅

新菊
已過重陽十日期菊叢初破兩三枝自憐短鬢
蕭蕭白不似黃花驛裏時

黃花驛在岐鳳
間予嘗過之

又

老去流年不耐催微霜又見菊花開莫言冷落

西風晚也有飛飛小蝶來

九月二十八日五鼓起坐抽架上書得九

域志泫然有感

一事無成老已成不堪歲月又崢嶸愁生新雁
寒初下睡起殘燈曉尚明天地何由容醜虜功
名正恐屬書生行年七十初心在偶展輿圖淚

自傾

題橋南堂圖

平生不識橋南路聞道清流帶煙樹今朝開卷
一欣然恍若身親到其處徐郎獨立疑如山招
不能來麾不去舊居萬瓦碧浮煙結茅却就橋
南住雪盡春生水似藍想君清獻釣魚菴道上
紅塵高十丈斷無一點到橋南

題吳參議達觀堂堂榜蓋朱希真所作也

僕少亦辱知於朱公故尤感槩云

中原遺老雒川公鬢鬚白盡雙頰紅揮毫爲君

作齋牘想見眼中餘子空餘子碌碌何足數獨
付莊周賈生語看君踐履四十年始知此公不
輕許公今度世爲飛僊開卷使我神凜然清時
臺省要才傑諸公誰致雒川客

舍北搖落景物殊佳偶作
今年冬候晚仲月始微霜野日明楓葉江風斷
雁行窮塗多藉躡老境易悲傷自笑詩情嬾蕭
然舊錦囊

又

路擁新霜葉溪餘舊漲沙
栖鳥初滿樹歸鴨各知家
世事元堪笑吾生固有涯
南村聞酒熟試遣小僮賒

自題又餘

小聚鷗沙北橫林蟬舍東
船頭眠醉叟牛背立村童
日落雲全碧霜餘葉半紅
窮鱗與倦翼終勝在池龍

屋角成金字溪流作縠紋斜通小橋路半掩夕
陽門孤艇衝煙過疎鐘隔塢聞杜門非獨病實
自厭紛紛

畫小又組

艸徑人稀到柴扉手自開林疎鴉小泊溪淺鷺
頻來簷角除瓜蔓牆隅斲芋魁東鄰膳肉至一
笑舉新醅

自嘲

身見紹興初改元百罹敢料至今存生涯破碎
餘龍具學問荒唐守兔園獨立未除還笏氣餘
生猶待闔棺論北窗燈暗霜風惡且置孤愁近
酒樽

作夢

作夢今逾七十年平生懷抱尚依然結茅杜曲
桑麻地覓句灞橋風雪天驃騎向來求作佛淮

南末路望登仙世間妄想何窮盡輸與山翁一

醉眠今夢十十年平主對時尚於然時夢對出

夜坐

杳杳霜鐘十里聲娟娟江月半窗明陳編欲絕

猶堪讀微火相依更有情九曲煙雲新散吏時方

被命再領武夷祠祿百年鈇槩老諸生頽然待旦君無笑

尚勝聞雞賦早行溫岐詩云雞聲茅店月人迹版橋霜蓋唐人早行絕唱也

北園雜詠

西村林外起炊煙南浦橋邊繫釣船樂歲家家俱自得桃源未必是神仙

又

舍北橋東幽事多老夫飯飽得婆娑茅簷日落聞春相荻浦煙淡有擢歌

又

小橋密接西岡路支徑溪通北崦村老子意行無遠近月中時打野人門

無意又民中却林裡入門

東吳霜薄富園蔬紫芥青菘小雨餘未說春盤
供采擷老夫湯餅亦時須

聞春又燕甫聖宮對燭

鉏麥家家趁晚晴築陂處處待春耕小槽酒熟
豚蹄美劑與兒童樂太平

與自又淋雨未必長輸山

閒伴鄰翁去荷鉏林疎歷歷見村墟怪生白鷺
飛無數水落灘生易取魚

與自又東

短筇行樂出柴荆雪意闌珊却變晴林際已看
春雉起屋頭還聽歲猪鳴

與自又

歲殘已似早春天隔水橫林一抹煙聞道埭西
梅半吐攜兒閒上釣魚船

與自又

白髮蕭蕭病滿身
凍雲野渡正愁人
揚鞭大散關頭日
曾看中原萬里春

又

暮年身似一虛舟
付與滄波自在流
垂地雪雲吹不散
且傾桑落膾槎頭

龜堂獨坐遣悶

髮已凋疎齒已搖
高談誰與慰無聊
苦心雖嘔何由出
病骨非讒亦自銷
玉雪細塵烹瑞艸
煙

脂小把斲靈苗

防風苗色紅如
燕脂可作菹

賀公吳語吾能

似太息遺魂不可招

又

放逐還山八見春
枯顱槁項雪霜新
大牀不解除豪氣
凡眼安能識貴人
食有淖糜猶足飽
衣存短褐未全貧
北窗坐臥君無笑
拈起烏藤捷有神

復竊祠祿示兒子

得飽不啻足閉門還讀書翁猶羹不糝兒固食
無魚袞繡曷加我簞瓢常晏如人生隨所遇勿
替此心初

隴頭水

隴頭十月天雨霜壯士夜枕綠沉槍臥聞隴水
息故鄉三更起坐淚數行我語壯士勉自彊男
兒墮地志四方裹尸馬革固其常豈若婦女不
下堂生逢和親最可傷歲輦金絮輸胡羌夜視
太白收光芒報國欲死無戰場

雪歌

黑雲黯黯如翻鷗急霰颯颯疑投沙初聞萬竅
號地籟已見六出飛天花寧論異事吠群犬且
喜和氣連千家穿簾投隙矜嫵媚平坑塞谷迷
谿訝遙遙林塢出玉筍渺渺江路蟠脩虵扣門
方擬貰鄰酒篝火更欲尋僧茶懸知朝士集闕
角靴聲入賀趨正衙吾衰久矣尙何說所幸一

稔均幽遐

春近

短褐枯筇老病身
龍鍾也復喜新春
已知不解
多年仗且作都無
一事人簷角鳥聲呼
醉夢室
中花氣襲衣巾
朝來更有欣然處
一筋山蔬勝

八珍

望永阜陵

聖主棄乾臨斧辰
小臣承詔上丹墀
寧知齒豁
頭童後更遇天崩地陷時
泣至眼枯無血續
夢隨魂斷獨心知
白頭才盡空濡筆
寧繼生民下

武詩

初拜再領祠宮之命有感

黃紙初開喜可知
追懷平咎却成悲
生當京國承平日
仕及皇家再造時
小艸出山初已誤
斷雲含雨欲何施
兒孫賀罷仍無事
却赴幽人把

釣期

初南詩

險阻醉中信筆作四絕句既成懼觀者不知野
 雲合人本心也復作一絕
 麥野桑村有酒徒過門相覓醉相扶朱門日日
 教歌舞也有儂家此樂無
 又悲主當京國

又再館所宮之命旨恩

過得一日過一日人間萬事不須謀鄰家幸可
 賒芳醞紅藥何曾笑白頭

又更過天流

今朝賣穀得青錢自出街頭買彘肩艸火燎來
 香滿屋未容下筯已流涎

又

老覺人間足畏塗怕人渾似怕於菟晴明頗動
 青鞵興先探門前有客無

又

治道巍巍本易成狂言安得略施行太平事業
 人皆見不計封倫死與生

入昔臘月十九日午睡覺復酣臥至晚戲作
 枕痕著面眼芒羊欲起元無抵死忙擁被却尋
 初斷夢掩屏重撥欲殘香雪雲雖散寒猶緊春
 意將回晝已長老去此身無著處華胥真恐是
 吾鄉

睡起至園中

春風忽已遍天涯老子猶能領物華
 淺碧細傾家釀酒小紅初試手栽花
 野人易與輸肝肺俗語誰能挂齒牙
 更欲世間同省事勾回蟻戰放蜂衙

北園籬外放步

北園西出路逶迤荆作門扉枳縛籬
 鋤麥正忙人滿野營巢未定鵲爭枝
 招呼父老嘗新釀約束兒童築壞陂
 遇興闌行便終日隔溪績火已參差

歲暮獨酌感懷

明時頻忝武夷僊。俯仰人間只自憐。總角回思如昨日。挂冠過限已三年。病多晴日思行藥。睡少清宵學坐禪。更歎衰孱不禁酒。地黃一盞卽頽然。

盆池

雨送疎疎響。風吹細細紋。猶稀綠萍點。已映小魚群。傍有一拳石。又生膚寸雲。我來閒照影。一笑整綸巾。

對食

蓬藿生庭葉。擁堦經旬飯。豆爨枯蕪煙。霄舊謂行夷路。薪水今悲繫。病懷夢裏百年元。易過人間萬事苦。難諧癡兒自墮閣。黎計歡喜聞鐘已過齋。

蹭蹬

少慕功名頗自奇。一生蹭蹬鬢成絲。市樓酒美貧何預。斗柄春回老不知。黑幟遊魂應有數。白

衣効命永無期魚梁東畔牛欄北舉世誰能識
此悲

海棠圖

人間奇艸木天必付名流菊待陶元亮竹須王
子猷我爲西蜀客辱與海棠遊再見應無日開
圖特地愁

丁巳正月二日雞初鳴夢至一山寺名鳳
山其尤勝處曰味軒予爲賦詩旣覺不遺

一字

已窮阿閣勝更作味軒遊不盡山河大無根日
月浮吾身元是幻何物彊名愁久覓卓菴處是
間應可畱

初春

誰把鵝黃染柳絲似催鄰曲蹋青期已忘萬里
封侯志但憶千回上樹時朝雨池塘光潏灑莫
煙樓觀碧參差紫姑

一作行藏

欲問還休去身世從

來心自知

雨中作

三日雨頻作昏昏饒睡眠泥濘散酒市風惡惱
燈天茅屋松明照茶鐺雪水煎山家自成趣撫
枕寄悠然

又

浙浙連江雨悒悒一室幽茶甘畱齒頰香潤上
衣裘泥滓將雛鴨林樊喚婦鳩短章雖漫興聊

足散吾愁

又

短鬢白如絲梅花似舊時掩屏愁入夢隱几雨
催詩病為陰天劇春緣閨歲遲非關畏車馬衰
甚實難支

縱筆

氣本充天地書非汗馬牛人人見堯舜世世有
巢由朝市紅塵鬧山村白髮稠所欣吾道在江

漢古東流 珠璣圍山林白髮離魂
原本題慧老芋巖 書濕平人人長
煨芋當時話已新如今拈出更精神
十年相國非吾願半顆君當別付人

對青 立春日天曠春野闊
江花江水每年同春日春盤放手空
天地無私生萬物山林有處著
衰翁牛趨死地身無罪梅發京華
信不通數片飛飛猶臘雪村鄰相
喚賀

年豐

去冬無雪今年以正月十日已時
立春而平日且有雪數片猶臘雪也

病中作

老軀百病集頽然仰天呼汝病勿怨天
藥石幸可扶寓形天地間疾病誰能無
不從酒色來病自無根株但使元氣在
雖劇行當蘇哀哉忿慙子永棄元化爐

又

牧羊知治民解牛得養生一理儻造微何事不

可明我老抱病久頗窺古人情唐堯授四時帝
道所以成周家七百年王業本農耕造端無甚
奇至今稱太平人生正如此默默要無營心君
但高拱萬物安能櫻耳雖微行言補文若念
石井立春日此間我無恙不似西邑來歲
花壓烏巾酒滿卮舊逢春日恨春遲如今病臥
孤村裏過了新春也不知

又

慶元丁巳春來晚人日初過近上元空對一樽
三太息無人爲戴縷金幡

中原墮胡塵北望但莽莽耆年死已盡童稚日
夜長羊裘左其衽寧復記疇曩豈無豪俊士憤
氣塞穹壤我欲友斯人悲詫寄遐想夢行黃河
濱雲開見仙掌問補樂報半平土元氣漸幾十

百年上元夜作

百年古謂風前燭我逾七十飯不足亦知生世
無工拙久向人間耐榮辱今年上元燈滿城十
里東風度絲竹蓬窗溼薪不禦寒獨取殘書伴
兒讀忽然得意見古人半椀凍齋甘勝肉書生
蓋棺事未定論著儻存終見錄富貴無名豈勝
數意氣空能驕世俗君不見拄天拄地邢君牙
不如詩人窮瞎張太祝

長歌行來知八日麻坡並土示空樓一醉

不羨騎鶴上青天不羨峨冠明主前但願少賒
死得見平胡年一朝胡運衰送死桑乾川胡星
澹無光龍庭爲飛煙西琛過葱嶺東戍踰朝鮮
巍巍天王都九鼎奠潤漑萬國朝未央玉帛來
聯翩黃頭汝小醜汗我王會篇盡誅非無名不
足煩戈鋌還汝以舊職牧羊遼海邊

其故讀書

兩眼欲讀天下書力雖不迨志有餘千載欲追

聖人徒慷慨自信寧免愚置書不讀談虛無誰
 其始爲此創疽古詩澤被禽與魚博施所以爲
 唐虞正使老釋信不誣爲我未免近楊朱高軒
 大旆塞路衢臺閣尊顯來于于安得禹臯日陳
 謨沾濡四表無焦枯坐令事業見真儒老農不
 恨老耕鉏

枕上作

龍鍾七十豈前期矮帽枯筇與老宜愁得酒卮

如敵國病須書卷作良醫登山筋力雖猶健閉
 戶工夫頗自奇今日快情春睡足臥聽簷鳥語
 多時

書志

往年出都門誓墓志已決況今蒲柳姿俛仰及
 大耋妻孥厭寒餓鄰里笑迂拙悲歌行拾穗幽
 憤臥齧雪千歲埋松根陰風蕩空穴肝心獨不
 化凝結變金鐵鑄爲土方劔釁以佞臣血匣藏

武庫中出參髦頭列三尺粲星辰萬里靜妖孽

君看此神奇醜虜何足滅風蕩空穴根必斷不

大蓋夜賦

簷滴新春雨窗昏半夜燈病無詩一字窮賴酒

三升郡中月設折酒九世路澀如棘祠官冷欲

冰殘年只此是年少解飛騰

晚步

晚步清溪上微陰忽快晴鴉棲先小泊魚暖已

群行藥餌扶垂老耕桑樂太平非關戀鄉社久

客倦遐征

漁歌

斜陽收盡暮煙青嫋嫋漁歌起遠汀商略野人

何所恨數聲哀絕不堪聽

殘夢

少時鐵馬蹴河水老去推藏百不能風雨滿山

窗未曉只將殘夢伴殘燈

書憤

白髮蕭蕭臥澤中，
 祗憑天地鑒孤忠。
 阨窮蘇武餐羶久，
 憂憤張巡嚼齒空。
 細雨春蕪上林苑，
 頽垣夜月洛陽宮。
 壯心未與年俱老，
 死去猶能作鬼雄。

又

鏡裏流年兩鬢殘，
 寸心自許尚如丹。
 衰遲罷試戎衣窄，
 悲憤猶爭寶劍寒。
 遠戍十年臨的博，
 壯圖萬里戰臯蘭。
 關河自古無窮事，
 誰料如今袖手看。

小舟遊西涇度西岡而歸

小雨重三後，餘寒百五前。
 聊乘瓜蔓水，閒泛木蘭船。
 雪暗梨千樹，煙迷柳一川。
 西岡夕陽路，不到又經年。

春行

九日春陰一日晴，
 強扶衰病此閒行。
 猩紅帶露

海棠溼鴨綠平堤湖水明

杜子美曉看紅溼處花重錦官城李太白

蜀江紅且明用溼字明字可謂奪造化之功世未有拈出者

酒賤柳陰逢醉

臥土肥稻壟看淡耕山翁莫道渾無用解與明

時說太平

姜總管自築墓舍名繭菴求詩

君不見贅翁退隱真皇時繭室遺名星日垂雖
無豪士千車送不媿高人一鋪隨又不見貞觀
故人有王顯抵老摧頽不作繭一時戲語今尚

傳人生窮達誰能免繭菴知君出遊戲壽過期
頤乃常事青松手種三千本會看半空翻鼓吹
人老則衰君不然快瀉玉船鯨吸川釣璜遠祖
應相似八十方為筮仕年

湖上今歲遊人頗盛戲作

龍船看罷日平西柳閣花穠步步迷射的山前
朱舫小樵風溼上紫驕嘶

又

畫船鼓吹載涼州不到三更枉出遊忽有歌聲
出霄漢誰家開宴五雲樓

又

翠阜青林煙疊重朱樓画閣雨空濛禹祠西走
蘭亭路一片湖山錦繡中

又

臺府官醅歲歲新蘭亭春勝鏡湖春三山小瓮
雖堪笑也向湖邊作醉人

賞花至湖上

吾國名花天下稀園林盡日敞朱扉蝶穿密葉
常相失蜂戀繁香不記歸欲過每愁風蕩漾半
開却要雨霏微良辰樂事真當勉莫遣忽忽一
片飛

莫春

季子黃金盡安仁白髮新無情五更雨便送一
年春難續西樓夢空存北陌身海棠應似舊惆

悵又成塵西窗夢空林北窗夢
秋夢
李十又金盞
綠葉枝頭密青蕪陌上淡江山妨極目天地入

孤吟身已雙蓬鬢家惟一素琴世情君莫說頭

痛欲泔泔

常秋莫春戀
數間茅屋鏡湖濱萬卷藏書不救貧燕去燕來

還過日花開花落即經春開編喜見平生友照

水驚非曩歲人自笑滅明心尚在憑高慷慨欲

忘身

初有詩集

劍南詩彙卷第三十五

劍南詩彙目錄

卷第三十六

九里別清明詩一百五日行言送李憲被

召舊與其先侍郎遊從首初夏兩幽居首

閒適詩病中夜賦詩閒身詩書感詩衰病

圖雜題六首自傷詩雨後絕涼偶作詩村

居詩久雨詩七十三吟詩會稽詩泛舟詩

夜觀子虛所得淮上地圖詩水村詩題菴

壁首二 晚歸舟中作 送嚴居厚棄官歸

建陽溪莊 次朱元晦韻題嚴居厚溪莊

圖 夢中遊禹祠 感懷 酒熟病起

遊近村 秋夜讀書示兒子 書秋晚書感

王成之給事挽歌辭首二 書南堂壁首二

秋晚 晨起待子聿歸 信筆首二 龜

堂東窗戲弄筆墨偶得絕句首五 次呂子

益韻 舍北行飯書觸目首二 明日復得

五字首二 十一月二十二日夜待子聿未

歸 南窗 幽居 春近山中即事首三

雪夜感舊 將進酒 歲暮懷張季長日

謝朱元晦寄紙被首二 送王季嘉赴湖南

漕司主管官 菴中夜興 初春欲散步

畏寒而歸 憶答 戊午元日讀書至夜

分有感首二 雜感首十 歎老 朝飢食齋

麪甚美戲作首二 漁隱堂獨坐至夕 田讀

書甚北望於蘭古梅堂山脚散步田舍

北歸首三首寄題連江陳氏拂石軒首得張

季長書以大蓬見稱益以予寄祿官視笈

祕書監也首病足累日不能出門折花自

娛末書意首新燕首北巖采新茶用忘懷

錄中法煎飲欣然忘病之未去也李連日

至梅僊塲及花涇觀桃花抵暮乃歸首

劔南詩彙目錄卷三十一

六終

二十二日交許子筆

劔南詩彙卷第三十六

九里

破曉憑鞍野興濃鷺飛先我過村東綠鍼細細

稻浮水絳雪紛紛花舞風陌上鞦韆喧笑語檐

頭粃粒簇青紅誰知老子裴回意絕愛山橫淡

霽中

一百五十四

清明

氣候江吳異清明乃爾寒老增丘墓感貧苦道

途難。燕子家家入梨花樹樹殘。一春回首盡懷抱。若爲寬。

一百五日行

一百五日東郊時。陂塘水滿雨如絲。人家青煙不禁火。俚俗豈復思。子推舊墳年多木。已拱新墳積土高。纍纍老鴉飛鳴啣肉去。紙錢雨溼挂樹枝。淡松茂栢死自樂。地下應笑生人悲。眼中青山身後塚。此事決定君何疑。風吹雲破日下

照小灘。碎礫光陸離。停車暫憩道傍舍。解囊且補殘春詩。

送李憲被召舊與其先侍郎遊從

早謁龍門鬢未秋。算年乃復接英遊。海瀕已幸見公子。瓜壘仍煩訪故侯。霖雨卽陪諸老進。德星肯爲一方畱。西城柳色青如許。欲挽長條特地愁。

初夏

已過浣花天行開解粽筵店沽浮蠟酒步檣載
秧船古俗交情久。豐年樂事偏。出波蓴菜滑上
市。鯿魚鮮僧閣梅山麓。漁扉禹廟壩丹青不可
畫。得句一欣然。

幽居

社結山林友家藏種樹書蔽牀欣卜宅容駟笑
高閣薄飯頻菹韭單衣旋製練東家僭蹇罷南
市買船初美景遊俱遍鄰翁好不疎時時得藥

興豈獨愛吾廬

閒適

朝讀易一卦時鈔史數行花開聊把酒睡起獨
焚香寂寂市聲遠悠悠村日長吾衰尚何恨兒
女解耕桑

病中夜賦

客如病鶴臥還起燈似孤螢闔復開首菑花催
春事去梧桐葉送雨聲來滎河溫洛幾時復志

士仁人空自哀但使胡塵一朝靜此身不恨死
蒿萊

閒身

炊煙漠漠閉柴荆聊用閒身答太平重碧飛觴
心未老硬黃臨帖眼猶明吳蠶滿箔含桃熟壠
麥登車搏黍鳴補劓息黥今有地問君何處用
虛名

書感

奪璧元知價不讎屠龍誰信本無求哦詩聲裏
歲時速憂國淚邊天地秋已欠謝安俱泛海況
無王粲與登樓此身著處憑君記萬里煙波沒
白鷗

衰病

衰病集餘日推移成老翁衡門隱者趣大布古
人風几杖呻吟裏山川蒼莽中從來世緣簿不
是坐詩窮

長坐雜題

少談王霸謀身拙晚好詩騷學道疎賴有一籌
差自慰閉門不作子公書

又

莫笑花前白髮新宜和人醉慶元春何時道路
平如砥却就清漪整幅巾

又

三生元是出家人一念差來墮薦紳二寸楮冠

雙艸履天公還我水雲身

又

黃庭兩卷伴身閒盤篆香殘日未殘泛泛孤身
似萍葉始知天地不勝寬

又

年華偃蹇畱不住鬢雪縱橫耘更多樂天不生
夢得死恨無人續竹枝歌

又

年來世事掃除盡猶有閒吟頗自奇安得陟釐
九萬箇爲君盡寫算年詩

自傷

朝雨算雨梅子黃東家西家鬻蘭香白頭老鰥
哭空堂不獨悼死亦自傷齒如敗屐鬢如霜計
此光景寧久長扶杖欲起輒仆牀去死近如不
隔牆世間萬事俱茫茫惟有進德當自強往從
二士餓首陽千載骨朽猶芬芳

雨後絕涼偶作

槐陰日色薄桐葉雨聲長林下有餘適城中無
此涼浮瓜寒水碧斲藥小鉏香未許陶潛達華

簪何足忘

陶詩云聊用戀華簪

村居

黍酒濃浮瓮瓜菹綠映槃老便藜粥美病喜粟
漿酸紗帽新裁穩絕袍舊製寬村居亦何好聊
用發詩端

久雨

水長平侵岸雲低半失村菰蒲亂鳧鴨泥潦困
雞豚弄筆排孤悶煎茶洗睡昏荒郊多狗盜及
早閉柴門

七十三吟

七十三年事事新涵濡幸作六朝民髮無可白
方爲老酒不能賒始覺貧末路已悲身是客此
心猶與物爲春柴門勿謂常岑寂時有鄉鄰請

藥人

會稽

海近風雲惡城南鼓角雄山川橫慘淡樓閣半
虛空故國千年鶴征途萬里蓬餘生猶幾日盡
合付杯中

泛舟

山照澄波髮鬢青新蒲梢上立蜻蜓孤舟每爲
尋詩出輪與漁翁醉不醒

夜觀子虞所得淮上地圖

閉置空齋清夜徂時聞水鳥暗相呼胡塵漫漫
連淮潁淚盡燈前看地圖

水村

家住煙波似畫圖殘年不復歎頭顱
淡淡竹塢見螢度翳翳菰叢聞鳥呼
十里笳聲上雲漢一空星影落陂湖
天公著我非無地却悔從來鑿怪渠

題菴壁

萬里東歸白髮翁閉門不復與人通
綠樽浮蟻狂猶在黃紙棲鴉夢已空
薄技徒勞真刻楮浮生隨處是飛蓬
湖邊吹笛非凡士儻肯相從寂

冥中

每風月佳夕輒有笛聲起湖之西南莫知何人意其隱者也

又

俠氣當年蓋五陵今成粥飯在家僧
身存但倚貧非病齒落方慚豁
可憎踏月閑穿雙艸屨聽

琴橫按一枯藤年來萬事都經遍強笑看人獨
未曾

晚歸舟中作

路入芙蓉浦家依穉稭村急灘雙鷺立平野萬
鷗翻市散人爭渡僧歸寺掩門淒涼誦新句招
得欲殘魂

送嚴居厚棄官歸建陽溪莊

曼容不過六百石淵明僅留八十日寥寥千載
有兩公海內至今推絕識放翁貪祿老始歸自
今不作一錢直見人勇退輒欣慕亟欲起拜忘
衰疾吾廬近在官道傍門外未掃車馬迹溪莊
有地肯見分會結茅齋傍青壁

次朱元晦韻題嚴居厚溪莊圖

鶴俸元知不療窮葉舟還入亂雲中溪莊直下
秋千頃羸取閒身伴釣翁

夢中遊禹祠

湖上無人月自明
夢中髣髴得閒行
庭空滿地
楸梧影風壯
侵雲鼓角聲
世異客懷增
慘愴秋
高歲事已崢嶸
長歌忽遇騎鯨客
喚取同朝白
玉京

感懷

老抱遺書隱故山
鏡中衰鬢似霜管
規模肯墮
管簫亞夢想
每馳河渭間
竹帛竟孤千載事
江湖敢恨一生閒
殘功賴有吾兒續
把卷燈前爲

破顏

酒熟

侯印何由得酒泉
小槽新熟亦欣然
放翁達處
過彭澤客自在
傍吾自眠

病起遊近村

老人摧頹絕造請
門設常關艸生徑
一年三百
六十日三百五十九日
病一日不病出忘歸
繞村處處扣柴扉
水東溪友新酒熟
舍北園公菰

劍南詩集 十
菜肥平生養氣心不動黜陟雖聞了如夢從今
病愈卽相尋莫聽糟牀滴春瓮

秋夜讀書示兒子

久病少睡眠往往中夕起呼燈取書讀不能盡
數紙喟然置之歎生世後闕里持蠡欲測海遽
復迫老死人生各有業唐虞本吾事詩書脫秦
厄天意固在此異端塞穹壤作俑孰爲始神禹
逝不還吾其如泮水

秋晚書感

丘塚相望故舊空放翁猶復寄漚中少眠危坐
待窗白得酒細傾生頰紅雖媿蛟龍起雲雨尙
勝魚鳥困池籠秋來莫道無遊興野渡村橋處
處通

王成之給事挽歌辭

管泝黃牛峽曾經白鷺洲從容參步武談笑極
風流晚預蓬萊客時從襍袂遊揮毫看半醉追

想只添愁

又

詩騷湘水客風度曲江公一夕南樓去千秋東
省空囊封震朝右墨敕絕宮中贈極文昌貴君
恩厚飾終

書南堂壁

偶築湖邊舍侵尋四十春山丘未薶骨詩酒尚
關身樵路霜侵屨漁舟雨墊巾忝蒙鄉黨敬六

薶當作埋

聖有遺民

予生於宣和乙巳歲

又

荒寒淺村步隱翳小茅茨偶逐漁樵住都忘歲
月移閒惟接僧話老始夢陶詩耆齒猶須幾羸
然敢自期

秋晚

寒渚雁新下壞牆蛩夜吟庭莎欲無色園樹不
成陰霑灑孤臣淚馳驅壯士心明朝鏡中髮飽

受雪霜侵
晨起待子聿歸

老人盥櫛罷
坐待汝晨省
忽思隔重關
懷抱增

耿耿小雨暗
北窗誰與慰
淒冷卷書默
袖手奈

此清晝永懸
知河橋下亦
已喚舴艋
長路歸當

飢呼童具湯
麩

信筆

吾生本暫寓
無日不可死
區區遲速間
何地著

慍喜朝移一株石
暮引一脉水
是中亦何樂
一笑聊爾耳

北窗又
有酒或一醉
無酒終日間
雨足通南澗
木落見

西山飯飽出柴門
本散腰脚頑
偶然遇野人
笑語欲忘還

龜堂東窗戲弄筆墨
偶得絕句

身如蠶老已三眠
一繭何妨自裹纏
豆飯藜羹

強自作達
終無了義

及古閣

卷之卅六

及古閣

湖寄傲有杯觴病懷正待君
湔袞墨妙時須寄
數行

舍北行飯書觸目

晚飧初潑一甌茶
曳杖閒行與未涯
煙樹參差墨濃淡
風鴉零亂字橫斜
夕陽偏傍平橋路
寒蝶猶依晚菊花
堪笑衰翁耐荒寂
短衣霑露未

還家

又

落雁昏鴉集遠洲
青林紅樹擁平疇
意行舍北三义路
閒看橋西一片秋
小婦破煙撐去艇
童橫笛喚歸牛
形容野景無餘思
自怪癡頑不解愁

明日復得五字

羸病偶不死
端居息出遊
山寒麥苗短
天濶雁聲適
學劒元癡絕
脂車久罷休
鄰翁獨眷眷
同好自相求

腰痛今朝愈，寒裳野興長。
黃鴉號亂篠，碧蝶繞枯桑。
陂壞良疇廢，材空舊路荒。
十年逢九潦，誰與問蒼蒼。

十一月二十二日夜待子聿未歸

寒爐火半銷，壞壁燈欲死。
人行籬犬吠，月出林鵲起。
吾兒信偶非，長路老子可憐煎。
百慮入父子，與我同立朝。
勿遣交河戍。

南窗

暄妍一窗日，的礫數枝梅。
小鼎煎茶熟，幽人作夢回。
新春又將近，晚景但堪哀。
用底舒懷抱，殘書闔復開。

幽居

衰鬢蕭條笑舊青，一枝棲穩寄餘齡。
徐行不媿衣露肘，安臥何妨席見經。
視客恰如堂上燕，捐書那願案頭螢。
時時開說前賢事，聊遣鄉閭識

典刑願素想登却却開指前賢事仰豈聯閭藩

春近山中即事良際雖容台吹堂土燕

乞得松楠手自栽結茅聊喜避風埃百年孰與

夢長短萬事只如雲去來雪後梅花初半吐身

閒樽酒盍頻開錦官城外青羊路常記當年小

獵回

又

節物貧家有故常春盤臘粥逐時忙悠悠歲月

催雙鬢艸艸雞豚薦一觴人意自殊平日樂梅

花寧減故時香小園新展西南角挂樹青蘿百

尺長

又

世亂王孫泣露隅時平野老醉相扶種橙正可

三年大慶竹何曾一日無細路迢迢上雲雨輕

舟渺渺入菰蒲算歸剡欲談幽勝安得丹青為

作圖

雪夜感舊

江月亭前檠燭香
龍門閣上馱聲長
亂山古驛經三折
小市孤城宿兩當
晚歲猶思事鞍馬
當時那信老耕桑
綠沉金鎖俱塵委
雪灑寒燈淚數行

將進酒

我欲挽住北斗杓
常指蒼龍無動搖
春風日夜吹艸木
只有榮盛無時凋
我欲剗斷日行道
陽烏當空月杲杲
非惟四海常不夜
亦使人生失衰老
如山積麴高崔嵬
大江釀作蒲萄醅
頽然一醉三千杯
俗問白髮何從來

歲暮懷張季長

已迫桑榆景
况逢梅柳時
功名終自誤
老病獨如期
醉眼嫌天迮
孤吟覺鬼悲
唐安在何許
無字寄相思

木林謝朱元晦寄紙被

木枕藜牀席見經臥看飄雪入窗櫺布衾紙被
元相似只欠高人爲作銘

紙被圍身度雪天白於狐腋軟於綿放翁用處
君知否絕勝蒲團夜坐禪

一物送王季嘉赴湖南漕司主管官

它人作陵邑榜笞朝算急王子乃不然袖手萬
事集它人西入都競裁丞相書王子掉頭去長
沙萬里餘問子謀身無乃左凜如霜松姿磊砢
屈原賈誼死有靈計此兩人心獨可

菴中夜興

示疾維摩無侍者夜闌自掩艸菴門有情梅影
半窗月相應雞聲十里村紙帳擁裘尋斷夢地
爐撥火煖殘樽扶衰又踐新春境萬事元知不
足論

初春欲散步畏寒而歸

峭寒漠漠入重貂酒力欺人疑不消春困苦多
無處賣客魂欲斷倩誰招一溪水淺梅枝瘦四
野雲酣雪意驕欲到前村無奈嬾却尋歸路度
西橋
憶昔從戎出渭濱壺漿馬首泣遺民夜棲高冢
占星象畫上巢車望虜塵共道功名方迫逐豈
知老病只逡巡燈前撫卷空流涕何限人間失

意人

戊午元日讀書至夜分有感

七十年來又四年雨聲燈影故依然未收浮世
風漚夢尙了前生蠹簡綠老學辛勤那有補舊
聞零落恐無傳先師鉢袋終當付歎息誰能共
著鞭

又

強戴羅旛怯歲增光陰堪歎捷飛騰簷間點滴

新春雨窗下青熒半夜燈
傍架討尋書散亂倚
屏吟嘯髮鬢髻極知老境
惟當佚絕學端居恨
未能

雜感

志士山棲恨不深
人知已是負初心
不須先說嚴光輩
直自巢由錯到今

又

勸君莫識一丁字
此事從來誤幾人
輸與茅簷

負暄叟時時睡覺一頻伸

又

世事紛紛無已時
勸君杯到不須辭
但能爛醉三千日
楚漢興亡總不知

又

百年鼎鼎成何事
寒暑相催卽白頭
縱得金丹真不死
摩挲銅狄更添愁

世間魚鳥各飛沉茅屋青山無古今畢竟替他
愁不得。幾人虛費一生心。

又
一杯濁酒卽醺然自笑閒愁七十年今日出門
天地別此身如在結繩前

又
山人那信宦塗艱強著朝衣趁曉班豪氣不除
狂態作始知只合死空山

又
老子傾囊得萬錢石帆山下買烏犍牧童避雨
歸來晚一笛春風艸滿川

又
故舊書來訪死生時聞剝啄叩柴荆自嗟不及
東家老至死無人識姓名

又
忍窮待死十年間老子誰知老更頑溪友畱魚

供晚酌鄰僧送米續朝餐

歎老

朋儕什九墮丘墟自笑身如脫網魚委命已悲
吾道喪垂名真負此心初齒殘僅可決濡肉眼
澀知難讀細書家事豈容關老子兒曹努力事

耕鋤

朝飢食齋麪甚美戲作
一杯齋餽飪老子腹膨脞坐擁茅簷日山茶未

用烹

又

一杯齋餽飪手自芼油葱天上蘇陀供懸知未

易同

漁隱堂獨坐至夕

斜倚筇枝岸幅巾閉門久已謝知聞中庭日正
花無影曲沼風生水有紋三尺桐絲多靜寄一
樽玉瀼足幽欣世間萬事都忘盡惟向閒中屢

策勲

○讀書

讀書肝膽尚輪困。蠹簡堆中著此身。飽識三千

餘歲事已為七十四年人。鏡中衰鬢難藏老。海

內虛名不救貧。只欲從今都掃盡。剝治春酒答

新春

北望

管我初生歲中原失太平。寧知墓木拱不見塞

塵清京洛無來信。江淮尚宿兵。何時青海月重

照漢家營

蘭

南巖路最近。飯已時散策。香來知有蘭。遠求乃

弗獲。生世本幽谷。豈願為世娛。無心託階庭。當

門任君鋤

古梅

梅花吐幽香。百卉皆可屏。一朝見古梅。梅亦墮

凡境重疊碧蘚暈天矯蒼虬枝誰汲古澗水養
此塵外姿

山腳散步由舍北歸

偶散東岡步因成北渚遊鴉昏先小泊魚暖欲
群浮緩曳紅藤杖斜披紫綺裘閒身病亦可隨
處得無愁

又

幽徑欣行藥衰年困負薪梅殘香更遠艸動綠
初勻魚似濠梁樂鷗如海上馴度橋成一笑微
健及新春

又

空碧升團月江郊弄夕霏生涯今始是年事古
猶稀水解魚初躍風和雁欲歸興來忘遠近艸
露已沾衣

寄題連江陳氏拂石軒

李似之嘗
有歌詞

平生聞說西江水百丈齋淪湫見底漁舟來去

白鷗飛上有綸巾隱君子作詩自許輩陶謝獻
 傲煙雲弄清泚紛紛聲利滿人間耳本不聞安
 用洗李公過江號高流逸氣凜凜橫清秋沙邊
 一笑偶邂逅掃石蔭松相獻酬浩歌聲斷七十
 載尚寄萬壑風颼颼放翁老憊狂未歇買船欲
 作西江遊

得張季長書以大蓬見稱蓋以予寄祿官
 視符祕書監也因作五字寄之

老病江湖上煩公問死生僊蓬雖誤到殘錦只

虛名

近歲裁損濫恩所謂
 十色錦者所存亡幾

點滴三更雨淒涼萬

里情向來遺恨極不遂隱青城

病足累日不能出菴門折花自娛

頻報園花照眼明蹒跚正廢下堂行擁衾又聽
 五更雨屈指元無三日晴不奈病何拋酒醜麤
 知春在賴鶯聲一枝自浸銅瓶水喜與年光未
 隔生

書意

帝命煌煌救百神方傾天漢洗胡塵但須荊州
 一好漢安用商山四老人竹帛恐貽千古笑江
 湖未媿百年身此心欲與何人說病足呻吟又
 過春

新燕

天上不用剪刀催山杏溪桃次第開要信今年
 春事早社前十日燕新來

北巖采新茶用忘懷錄中法煎飲欣然忘
 病之未去也

槐火初鑽燧松風自候湯攜籃苔徑遠落爪雪
 芽長細啜襟靈爽微吟齒頰香歸時更清絕竹
 影踏斜陽

連日至梅僊塢及花涇觀桃花抵暮乃歸
 千載桃源信不通鏡湖西塢擅春風舟行十里
 畫屏上身在西山紅雨中俗事挽人常故故夕

陽歸擢莫怒怒豪華無復當年樂爛醉狂歌亦足雄

又

桃花塢近釣魚磯不比劉郎萬里歸水底紅雲迷醉眼樽前絳雪點春衣病依几杖猶能出老夔風光未忍違天俗清遊每窮日夜淡炬火候柴扉

劔南詩彙卷第三十六

劔南詩彙目錄

卷第三十七

病中作 題郭太尉金州第中至喜堂

暮春小園新晴

首二

春晚感事

首二

春

晚園中作 小題夷堅志後 幽居 聞鳥

聲有感

首二

與子虞子坦坐龜堂後東窗

偶書

行年 東窗小酌

首二

西林傳菴

主求定菴詩

首二

夏日

首五

夜酌

夏夜

泛舟四首感舊六首書喜一自詠一露一

坐二首親舊或見嘲終歲杜門戲作解嘲

北窗新秋以窗裏人將老門前樹欲

秋為韻作小詩十首食新有感貧居久蔬

食至是得肉詩秋夕露坐作有年大

雨中東西家詩予自春夏屢病至立秋而

愈作長句自賀七月十一日雨後夜坐

戶外觀月王與道尚書挽詞二首初秋

感秋北窗試筆景秋思四首新涼二首

自遣自規感舊四首秋日獨酌

夙興身世憶答豐歲村居中

秋夜半後無雲而月色微淡尤為絕景

夜賦遣興秋賽寄題周丞相平園

雨三日歌戲作治生絕句龜堂雜

題四首偶讀陳無已芍藥詩云一枝剗欲

簪雙髻未有人間第一人蓋晚年所作也

爲之絕倒戲作小詩一村舍雨中作

江郊 閒趣首三 小飲作字 一晝眠起

偶賦 小舟過吉澤効王右丞 湖山雜

賦首五 太息首四 學書 晚興 秋晴見

天際飛鴻有感而初寒獨居戲作 夢觀

牡丹 書喜首三 小飲罷行至湖塘而歸

病雁 澤居 秋穫歌 戊午重九

重九懷獨孤景略 晨鏡 秋霽遣懷

屏迹 初寒 風雨 龜堂自詠首二 閒

居初冬作 病中排悶 季秋已寒節令

頗正喜而有賦

劍南詩彙目錄

卷三十七終

劍南詩彙卷第三十七

病中作

破裘縫夏暖糲食美無餘
摩詰病說法虞卿窮
著書身羸支枕久足蹇
下堂疎今日晴窗好幽

懷得好攄

密補題郭太尉金州第中至喜堂

安康甲第天下傳玉題繡井摩雲煙落成鼓吹

震百里意氣欲壓秦山川第中築堂最宏麗奎

畫岌岌蛟龍纏知公所喜在勇退顧視解組如
登仙公心雖爾天未可終倚北伐銘燕然十年
宿衛功第一小却臥護長淮邊帳前犀甲羅十
萬幙下珠履逾三千願公小緩高枕計卽今河
雒猶腥羶出師雞鹿擁皂纛画象麒麟峩玉蟬
是時公喜客亦樂爲公滿瀉黃金船

算春

山陰又見算春初禁火園林社雨餘世事不妨
隨日改年光未遽與人疎豉香下箸嘗蓴菜鹽
白開奩得鱖魚艸艸一杯終可喜數間茅屋亦
吾廬

小園新晴

散髮陽狂不計年園林只在小窗前斷虹千尺
卷殘雨新月一鈎生算天臘釀拆泥畱客醉山
茶落磴喚兒煎物華心賞元無盡剗住人間作
地仙

又

衰病猶煩藥石功
 殘春終日在園中
 地偏幽艸為誰綠
 雨霽新花如許紅
 足蹇扶持須穉子
 杯淡暖熱賴鄰翁
 此身雖向閒中老
 若比休休却未同

司空表聖休休亭歌曰休休休莫莫
 伎倆雖多性靈惡賴是常教閒處著

春晚感事

據鞍千里何曾病
 閉戶安眠百病生
 每憶嘉陵江上路
 插花藉艸醉清明

又

寒食梁州十萬家
 鞦韆蹴鞠尚豪華
 犢車輾轉歸城晚
 爭碾平蕪入亂花

春晚園中作

杏子青青梅子酸
 山園轉眼又春殘
 老懷豈復小年樂
 病骨不禁清曉寒
 學術背時甘義墮
 功名無路久心闌
 蠶收麥熟吾何恨
 但遣銀杯似海寬

題夷堅志後

筆近反離騷書非支諾臯豈惟堪史補端足擅
文豪馳騁空凡馬從容立斷鼇陋儒那得議汝
輩亦徒勞

幽居

小舫藤爲纜幽居竹織門短籬圍藕蕩細路入
桑村魚膾槎頭美醅傾粥面渾殘年謝軒冕猶
足號黎元

聞鳥聲有感

小市提壺酤濁酒東陂脫袴插青秧歸來靜臥
茅簷底如覺閒中白日長

○又

流年冉冉去無情○日夜溪頭布穀聲○城郭雖存○
人○換○盡○令○威○應○悔○學○長○生○

與子虞子坦坐龜堂後東窗偶書

時鳥朝暮鳴芳艸日夜生春風捨我去歲律俄

嶢嶢綴簇繭白白出陂稻青青鳴機織苧葛暑
服亦已成小兒結山房窗戶頗疎明萬事不挂
眼朱黃浩縱橫佳哉東北風吹下讀書聲功名
詎敢望且復慰父兄

是日午間聞子聿在山半讀書相與欣然

行年

行年過七十與世兩相忘墨沼龜魚樂藥園芝
朮香吾生一蟲臂世路幾羊腸楮弁新裁就脩
然學道衰

新作兩
褚冠

東窗小酌

烏帽翩僊白苧涼東窗隨事具杯觴流年不貸
世人老造物能容吾輩狂藤葉成陰山鳥下檜
花滿地蜜蜂忙何人画得農家樂咿軋縑車隔
短牆

又林間寄王東家

市塵遠不到林塘嫩暑軒窗晝漏長蠶妾趁時
爭鹽繭農夫得雨正移秧徒行有客驚頑健爛

醉無人笑老狂却掩菴門徑投枕鼾聲雷起撼
藜牀

西林傳菴主求定菴詩

粥後鐘魚未動時夜燈仍對碧琉璃不須更說
能生慧枯木寒灰也自奇

又

業力驅人舉世忙西林袖手一爐香未能成佛
渾閒事十劫看渠坐道場

夏日

將雛燕子漸離巢過母龍孫已放梢日出竝湖
初曬網雨餘藥屋旋添茅家貧舊業元知廢身
老微官久合拋莫恨門前車馬絕豈無農圃與
論交

又

過眼春光久已空曬絲擣麥又匆匆新泥滿路
梅黃雨古木號山月暈風角黍菱新聞罇俎靈

符墨溼照房櫳歲華不爲衰翁駐且付餘生一

笑中春笑公已空飄然謝客久多病憐我病

又

吳中五月暑猶微竟日南堂坐掩扉綠樹露

一作

霧

香鶯獨語画廊風惡

一作急

燕雙歸三千界內

人人錯七十年來念念非投老萬緣俱掃盡從

今僧亦不須依

又

雨斷雲歸旋作晴尚餘紅溼在簾旌燕雛掠地

飛無力梅子臨池墜有聲米糲解包供午餉萍

齋傍枕析朝醒此翁不負頑軀處捫腹時時繞

舍行

又

梅雨初收景氣新太平阡陌樂閒身陂塘漫漫

行秧馬門巷陰陰挂艾人白葛烏紗稱時節黃

雞綠酒聚比鄰掀髯一笑吾真足不爲無錐更

歎貧賤聚散嗚呼一矣吾真以下無幾更
夜酌卷劍劍封文人白葛葛少醉初黃
酒淥孤燈夜梅黃細雨天聊成顧影醉復作曲
肱眠腰下蘇秦印囊中趙壹錢丈夫隨所遇底
處不陶然

夏夜

夏夜誰知亦自長幽居渺在水雲鄉月侵竹簟
清無暑風度衣篝潤有香棲鵲自驚移別樹流
螢相逐過橫塘放翁尚苦餘醒在細縷銅銜落
井牀

又

山崦風生鵬嘯悲柴門月上樹陰移熏衣汗雨
初乾後把卷蚊雷不動時孤悶難禁終歲病浮
生易滿百年期釣竿只待清秋近一棹煙波信
所之

又

展轉紗幮睡不成一藤扶憊繞廊行月昇雙鵲
移枝宿露下孤螢綴蔓明汲井忽驚人已起開
門堪歎事還生羽衣道帽從吾好柏子煙中起
磬聲

又

龜息綿綿破五更起扶藤杖竝南榮擇栖孤鵲
尚三匝司旦老雞俄一鳴移坐徐看山月吐脫
巾聊受水風清不知竟是真仙未夜夜神遊白

玉京

泛舟

水鄉元不減吳松短檣沿洄野興濃鬱鬱冬青
森翠葆離離夜合散紅茸水涯多樹村溪初度穿
林笛寺近先聞出塢鐘歸路夕陽猶滿岸憑舷
一笑覽衰容

感舊

要識梁州遠南山在眼邊霜郊熊撲樹雪路馬

蒙瓊慘淡遺壇側

拜韓信壇至今猶存

蕭條古廟墻

沔陽有蜀

後王所立武侯廟

百詩猶可想歎息遂無傳

予山南雜詩百餘篇

舟行過望雲灘墜水中至今以為恨

又

夜涉南沮水朝過小益城梯山天一握度棧土

微平雨近秦雲暗霜高隴月明至今孤夢裏喝

馬有遺聲

喝馬皆七字韻語聞之悲愴動人

又

早發金堆市更衣石櫃亭灘聲秋後壯山色雨

餘青道潭愁車轍橋危避駝鈴功名竟何在撫

事感頽齡

又刻吏

塵土暗貂裘森然白髮稠年光真衮衮吾事竟

悠悠馬宿平沙夜

軍中馬及廐卒夏夜皆露宿沙上

烽傳絕塞

秋

平安火竝南山來至山南城下

故人零落盡追寫只添愁

又

凜凜隆中相臨戎遂不還塵埃出師表艸棘定
軍山壯氣河潼外雄名管樂間登堂拜遺像千
載媿吾顏
我思杜陵叟處處有遺蹤錦里瞻祠柏綿州弔
海棕蹉跎悲櫪驥感會失雲龍生世後斯士吾
將安所從
雨足郊原正得晴地縣萬里盡春耕陰陰阡陌
桑麻暗軋軋房櫳機杼鳴亭鼓不聞知盜息社
錢易歛慶秋成天公不負書生眼畱向人間看
太平

自詠

平生萬事付憨癡兀兀騰騰到死時夜踏亂雲
過略約曉分寒溜注軍持束薪山客招烹石渡
海蕃僧乞製碑作箇生涯君勿笑拄天勲業亦

兒嬉

露坐

立秋前五日

旋削甘瓜進酒卮。斷雲漠漠斗離離。北臨積水
風來壯東恨。長林月上遲。秋近不堪聞。急杵夜
涼已復怯。輕絺天孫老。抱河梁。恨豈獨。人生事
可悲。

又

岸幘臨窗意未便。又拖筇杖出庭前。清秋欲近
露霑艸。皎月未升星。滿天過埭船。爭明旦。市蹋
車人廢徹宵。眠齊民一飽。勤如許。坐食官倉每
惕然。

親舊或見嘲。終歲杜門戲作解嘲

十年蕭散住林間。只是幽居不是閒。續得茶經
新絕筆。補成僧史可藏山。詩題紫閣憑雲寄。藥
報青城附鶴還。自笑何曾總無事。枉教人道閉
柴關。

北窗

寒泉斷藕素絲長
紋簾開瓜碧玉香
午睡覺來桐影轉
無人可共北窗涼

新秋以窗裏人將老
門前樹欲秋為韻作

小詩

殘暑無多日幽居近
小江酒醒中夜起
松月入

山窗

又

陸子江海人所願
守節死潮生釣瀨邊
月落菱

歌裏

又

小智每自私大患緣
有身孰能忘彼已
吾將友斯人

又

野艇千錢買明當
泛渺茫但能容一棹
家具不須將

又

立朝紹興間猶及見諸老魂夢不可逢丘墳閉

秋艸

又

朝真方捨杖步月始開門零落山花後經旬掩

綠樽

又

唐虞雖已遠至道豈無傳度日一編裏懷人千

載前

又

秋風昨夜來聲滿梧桐樹故人渺天末此夕誰

與度

又

少年雖婚宦淡然本無欲婆娑三畝園自歎不

啻足

又

初月詩

卷之卅七

及古

無食妨何事吾兒可散愁焚香正巾褐聽汝讀
春秋

食新有感貧居久蔬食至是得肉
壯遊車轍遍天涯晚得祠官不去家優老每慙
千載遇食新又歎一年加出波魚美如通印下
棧羊肥抵臥沙捫腹笑歌仍索酒不嫌鄰舍怪
謹譁

秋夕露坐作

銀河半落露華清南斗闌干北斗明冉冉方悲
老將至纖纖又歎月初生酒牀細滴香浮瓮衣
杵相聞聲滿城萬卷讀書無用處却將耕稼報
昇平

有年

不向神林乞雨晴天公自解相西成急符收盡
無逋賦新酒沽多足笑聲外戶徹扃停夕柝齊
民相勸力春耕傳聞夜市連三鼓却恨龐公不

入城

大雨

北風挾驕雲突起塞宇宙赫日初未西盼轉失
白晝翻空黑幟合列陣奇鬼鬪雨鏃飛縱橫雷
車助奔驟平階水入戶溝瀆不能受對面語不
聞持繖避屋漏兒童抱圖書衣履那暇救縱暴
理豈長忽已收簷雷北鄰更相勞拮拾如過寇
老子獨癡頑長歌對醇酎

東西家

東家雲出岫西家籠半山西家泉落澗東家鳴
珮環相對籬數掩各有茆三間芹羹與麥飯日
不廢往還兒女若一家雞犬意自閒我亦思卜
鄰餘地君勿慳

予自春夏屢病至立秋而愈作長句自賀
良藥扶衰抵萬金漸加糜粥輟呻吟溪風拂簟
有秋意山影半庭生夕陰薄俗只成驚老眼幽

居正得遂初心岸巾待月欄干曲更覺天公愛

我淡

七月十一日雨後夜坐戶外觀月

浴罷淡無事岸幘臨前軒雷雨始退散雲月相

吐吞風蟬斷還續枝間終夕喧露螢闔復開熠

熠綴艸根殘暑會當去孰敢厭炮燔四時莽相

代所歎歲月犇歡惊挽不畱白髮生無根兒女

日夜長子且復有孫澗松偶未薪野鶴猶孤鶩

華表幸來歸餘事何足言

王與道尚書挽詞

對仗都好朗朗百間屋汪汪千頃陂直能彰主聖清不願

人知許國多艱日逢辰獨斷時人猶望霖雨殄

瘁不勝悲

又

管遇開藩日嘗叨下榻榮從容陪讌笑傾倒及

平生俗譽言猶在懷知涕易橫終慙五字句不

盡百年情

初秋

雨氣排殘暑。風聲送早秋。拂窗開葉落。繞井看

當作開

螢流。臥起須人助。炊春尚自謀。蕭條歲將晚。百

慮入搔頭。

感秋

秋色關河外。秋聲天地間。壯士感此時。朝鏡凋

朱顏。一身寄空谷。萬里夢天山。噫鳴怒背裂。憤

激悲涕潛。古來真龍駒。未必置天閒。長松倒澗

壑。委棄同秦管。得志未可測。談笑濟時艱。凜然

出師表。一字不可刪。

北窗試筆

老來日月速。去若弦上箭。方看出土牛。已復送

巢燕。清晨覓縑衣。正午廢紈扇。北窗小雨餘。盆

山鬱葱。舊病體為之輕。一笑玩筆硯。雖無顏柳

當作墨

工揮灑。亦忘倦紙窮。黝漸燦。地虬爭入卷。屬兒

善藏之勿遣俗子見

秋思

秋毫不受俗塵侵隨處悠然一散襟天際挂虹

初斷雨雲頭翳日又成陰引泉北澗長澆竹拂

榻西窗自斲琴藥石掃空身便健始知萬事要

無心

又

雨長蒼苔滿釣磯坐令秋暑歛餘威天高月破

殘雲出野曠風驚蠹葉飛終歲鉏犁猶不飽萬

家礎杵獨無衣早知竟坐儒冠誤射虎南山未

必非

又

身似龐翁不出家十窗自了淡生涯山薑零落

初成子石竹淒涼半吐花寒澗挹泉供試墨墮

巢篝火喚煎茶掩關本意君知否兩耳衰年不

耐譁

又

老懷不慣著閒愁。信脚時爲野外遊。過雁未驚殘月曉。片雲先俗一天秋。村醅似粥家家醉。社肉如林處處留。七十已稀今又過。問君端的更何求。

新涼

山居謝來客病體喜新涼。幽艸上牆綠落花。露土香捐書心自息。聽雨夢偏長。菰葉鄰人餉。欣然獨舉觴。

又

菰首初離水。薑芽淺漬糟。粳香等炊玉。韭美勝炮羔。露下殘蕪溼。風生萬木號。從今更何事。痛飲讀離騷。

自遣

踽踽人間未死身。鄉閭共敬六朝民。睡無由著緣多感。醉不能成坐一貧。幽屏最憎蟲弔夜。狂

吟略似鳥鳴春也知世俗誰知我。猶待君王獵渭濱。

自規

曲肱飲水彼何人。汝獨何爲厭賤貧。大節勿汗千載史。少時便盡百年身。圖書幸可傳遺業。雞黍何妨約近鄰。今日仲秋還小雨。剝鉏麥壟待

新春

鄉人謂八月一日得雨宜來年麥

感舊末章蓋思有以自廣

庚寅歲入巴東硤。臥聽清猿月下聲。二十九年窮未死。却思當日似前生。又入國多風。推出柳命。西風。露。蕭。萬。綠。意。百堂小益最初程。朱棧青崖照眼明。十日經行圖障裏。時時馬上聽鶯聲。

吾始又

路入梁州似掌平。鞦韆蹴鞠趁清明。未論日遠長安近。且喜南山天際橫。

青城山裏屏風疊太華峰頭腰帶鞶跨鶴橫空
吾欲去九秋月露看青冥

國朝秋日獨酌

艸木秋始繁黃碧照籬落雖云各有時意緒終
索莫老人固多感對此聊命酌風霜肅萬物過
雁在寥廓吾當識其大微物不足託何以豁曠
懷短章可時作

里對夙興

艸堂風雨少睡眠骨冷始覺非壯年永鳥長鳴
聲戛然庭中棲鴉亦已翩老人清餓如龜蟬起
坐甚愛小窗妍一生宦遊膏火煎歸來杜門氣
麤全人看雖不直一錢知我自有穹穹天賦詩
橐成棄不傳殘鐘斷磬知誰編

身世

身世浮沉等一漚臥看投尉例封侯青燈微火

藥鎗夜淡月淒風衣杵秋醉裏不辭嘲兀兀吟
邊時得寄悠悠卽今老眼無開處又向城南倚
寺樓

憶答

憶自梁州下益州身閒處處醉江樓早知虛起
彈冠意悔不常爲秉燭遊詩思已慙馳陣馬目
光猶覺射車牛蓮峰日觀何時到下看人間萬
里秋

林謝豐歲

通首一氣呵成足見滿懷歡暢

豐歲驩聲動四鄰。深秋景氣粲如春。羊腔酒擔
爭迎婦。鼉鼓龍船共賽神。處處喜晴過甲子。家
家築屋趁庚申。老翁欲伴鄉閭醉。先辦長衫紫
領巾。

村居

孤村淺浦近江城。西折坡陀一嶺橫。墟落煙生
含暮色。園林風勁作秋聲。年豐租稅無逋負。酒

熟鄉鄰遞送迎老病愈知難報國只將高枕送
餘生

中秋夜半後無雲而月色微淡尤為絕景

輕煙薄靄九霄寒素月渾如隔縠看此夕洞庭

應更好誰能從我跨青鸞

夜賦

老人不食覺魂清恍若身遊白玉京夜靜月驚

林鵲起水涼風颭露荷傾昏燈一點窺孤夢画

角三終轉五更欲醉海山還嬾去且攜羽扇憩

青城

遣興

學廢文章傳世少身閒車馬過門疎壯心易盡

羸肩洒義氣肯貪熊掌魚列聖仁恩淡雨露兩

京宮闕尚丘墟素懷華渭嗟誰問且作狂歌楚

接輿

秋賽

初南詩集

卷之卅七

及古

柳姑廟前煙出浦冉冉縈空青一縷須臾散作
四山雲明日來爲社公雨小巫屢舞大巫歌士
女拜祝肩相摩芳茶綠酒進雜遝長魚大馘高
嗟哦常年徵科煩箠楚縣家血溼庭前土妻啼
兒號不敢怨期會常憂累官府今年家家有餘
粟縣符未下輸先足木刻吏蒲作鞭自然粟帛
如流泉儲積不愁無九年

寄題周丞相平園

先生道心平如砥秋毫忿慾何曾起漫將周易
著牀頭本不洗心那洗耳先生國論如砥平三
朝倚之作權衡泰階兩兩元不動自然萬里無
欖槍如今歸來曲肱臥世事無窮俱看破不栽
桃李不鉏蘭山僧野叟時來過吾儕七十固已
壽更到期願亦何有倘知生死本自平拈放一
邊如把酒

雨三日歌

秋風戒寒雨三日空村無人算蕭瑟北窗書生
 萬卷書齒豁頭童真可憐輪囷新蟹黃欲滿磊
 落香橙綠堪摘興來尚能氣吞酒詩成不覺淚
 漬筆士生蓬矢射四方掃平河雒吾儕職湖中
 隱士倘可逢握手與君談至夕
 戲作治生絕句
 治生何用學陶朱少許能慳便有餘
 憺酒已停晨服藥省油仍廢夜觀書

龜堂雜題

龜堂端是無能者妄想元無一事成
 最後數年尤可笑飽餐甘寢送浮生

又

癡頑老子老無能遊惰農夫酒肉僧閉著菴門
 終日睡任人來喚不曾應

又

長腰玉粒出新春
 秋獲真成畝一鍾衣食麤供

官賦足何妨世世作耕農
太廟一盞亦食蔬
又

又

冷雨蕭蕭澀不晴
亂書圍坐正縱橫
忽聞小瓮

新醅熟急喚兒童
洗破觥
夫西內曾閉香奩門

偶讀陳無已芍藥詩云
一枝剝欲簪雙髻

未有人間第一人
蓋晚年所作也為之絕

倒戲作小詩

少年妄想已癡絕
鏡裏何堪白髮生
縱有傾城

何預汝可憐元未解人情

村舍

過墟六七里
竝江三四家
潮生魚滬短風起鴨

船斜世守桑麻業
長無市井譁

雨中作

雨聲可愛秋方見
睡味無窮老始知
半醉擁衾

支倦枕誰能三復放翁詩

江郊

初南詩集

卷之卅七

及古閣

白艸江郊算青帘野店秋喧呼估船客嵬我飲
家流老豈題橋柱愁惟倚寺樓更傷昏澀眼煙
際數歸牛

閒趣

被擁聽秋雨兒扶上夜香甌炊霜後稻糟漬社
前薑馬病空思路僧歸却住房風扉久嘔軋鎔
認艣聲長

何所又

飯滿七綴鉢香凝百衲窗雨聲酣曉枕燈燼落
秋釭疾豎元知遯天魔亦已降超然對兒子未
媿鹿門龐

又

老至衰滋劇秋高病尚侵坐看兒學字臥聽客
彈琴困滿雀方鬪栖寒雞欲瘖世情元自嬾不
是事違心

小飲

初南詩

卷之卅七

及古

莫笑放翁顛歌呼覆酒船雙螯初斫雪珍鱗已
披緜寒雨連旬日新橙又一年更須重九到作
意菊花前

作字

整整復斜斜翩如風際鴉書成半行艸眼倦正
昏花未辦倉盛筆寧能錐画沙老夫端可媿頭
白不名家

晝睡起偶賦

蝴蝶與蒙莊頽然寓一牀日隨香篆過夢逐雨
聲長酒喜新篘綠橙如故歲黃昏昏還隱几誰
識老龜堂

○小舟過吉澤劾王右丞

澤園霜露晚孤村煙火微本去官道遠自然人
迹稀木落山盡出鐘鳴僧獨歸漁家閒似我未
夕閉柴扉

絕似王孟

湖山雜賦

門前天鏡倒千峯舍後菰蒲與海通
乘興出遊無遠近煙波何處覓孤篷

又

一生到處賈胡留身屬官倉不自由
白首歸來更何恨十年爛醉石帆秋

又

東西相望兩湖橋來往無時一画橈
買酒每尋村市步煮蔬時就野僧寮

又

不到梅山二十霜望中常似隔他鄉
一杯鬢粟

紗燈下最憶初寒宿上方

梅山寺與敝廬南北相望無二十里然不

到最久

又

煙中一棹小江秋憶上牛頭倚寺樓
今日籬邊殘照裏却從西北望牛頭

太息

早歲元于利欲輕但余一念在功名白頭不試
平戎策虛向江湖過此生

書生忠義與誰論骨朽猶應此念存砥柱河流
僊掌日死前恨不見中原

自古才高每恨浮偉人要是出中州即今未必
無房魏埋沒胡沙死即休

沉痛

關輔堂堂墮虜塵渭城杜曲又逢春安知今日
新豐市不有悠然獨酌人

學書

九月十九柿葉紅閉門讀書人笑翁世間誰許
一錢直窗底自用十年功老蔓纏松飽霜雪瘦
蛟出海挈虛空即今譏評何足道後五百年言
自公

自公晚興

壯遊車轍遍天涯。晚落農桑不自知。許國雖堅
身遽老。讀書未倦眼先衰。雲深嶺路樵歸晚。雨
細江亭渡發遲。一事猶堪慰孤寂。錦囊傾倒有

新詩學書

秋晴見天際飛鴻有感

新晴天宇色正青。群鴻高騫在冥冥。兒童相呼
共仰視。我亦扶杖來中庭。豐年到處稻梁滿。胡

不暫下栖沙汀。應須江海寄曠快。肯爲霜雪嗟
飄零。書生可笑不自喜。憔悴久翦籠中翎。鷗波
萬里每媿杜鶴化。千載知非丁風前。哀號漫激
烈月下。孤影常冷。嶰詩成欲寫復。嬾去誦似溪
水聲。泠泠

初寒獨居戲作

開殼一作得紫。桌帶葉摘黃。甘獨臥維摩室。誰

同彌勒龕。宗文樹雞柵。靈照挈蔬籃。一段無生

話燈籠可與

一作可

談

靈照筆蓋一

開夢觀牡丹果帶葉謝黃甘

忘却晨梳滿把絲揀花嫌不似

看清鏡惟插梨花却較宜

照民書喜邊常令

水際柴荆鍵不開野人相覓漫敲推

疑雲過老木聲酣認雨來酒價日低

租時辦不勞催平生未省如今樂却笑

見哀

又

今年端的是豐穰十里家家喜欲狂

知讓畔化行蠶婦不爭桑酒坊飲客朝

廟村伶夜作場身是閒人新病愈賸移

重陽

又

滿川秋穫重頰肩拾穗兒童擁道邊

初南詩集

卷之卅七

及古

無吠犬家家市步有新船奪攘不復憂山越安
樂渾疑是地仙惟有衰翁最知達避胡猶記建
炎年

小飲罷行至湖塘而歸

社酒真如粥面濃朱顏頃刻換衰容霜輕已覺
樹搖落雲起始知山疊重梅市魚歸衝雨棹寶
林人定隔城鐘此翁大似遊僧樣爐煖窗深又
過冬

病雁

祠祿將滿幸麤支朝夕遂不敢復有請而作是詩

蘆洲有病雁雪霜摧羽翰不辭道路遠置身湖
海寬稻梁亦滿目鳴聲自辛酸我正與此同百
憂雙鬢殘東歸忽十載四忝侍祠官雖云幸得
飽早夜不敢安乃知學者心羞媿甚飢寒讀我
病雁篇萬鍾均一簞

澤居

澤居僅足不求餘曠快真同縱壑魚平日酷憎

蠅附驥算年宵作鶴藥車齒搖但煮粳山芋眼
澀惟觀冑監書此際自應還往絕本無心與俗
人疎

秋穫歌

牆頭累累柿子黃人家秋穫爭登場長碓擣珠
照地光大甑炊玉連村香萬人牆進輸官倉倉
吏胥冷不暇嘗訖事散去喜若狂醉臥相枕官
道傍數年斯民阨凶荒轉徙溝壑殫相望縣吏
亭長如餓狼婦女怖死兒童僵豈知皇天賜豐
穰畝收一鍾富萬箱我願鄰曲謹蓋藏縮衣節
食勤耕桑追思食不饜糟糠勿使水旱憂堯湯

戊午重九

朋舊相望天一涯登高結伴只鄰家秋風自欲
吹紗帽衰鬢何曾泥菊花藥市神仙息益部饒
盤節物記京華自憐病後歡悰薄小醉歸來日
未斜

重九懷獨孤景略

昔逢重九日初識獨孤君竝轡洮河馬聯詩劍
閣雲已悲吳蜀遠更歎死生分安得持卮酒澆
君丈五坟

晨鏡

晨起覽清鏡有叟鬢已皤馘黃色類梔面皺紋
如鞞熟視但驚歎初不相誰何久乃稍醒悟舉
手自摩挲與汝周旋久流年捷飛梭生當老病
死求脫理則那切勿疆撐拄據鞍效廉頗惟須
勤把酒暫遣衰顏醜

秋霽遣懷

陸生少日心膽壯萬里憑陵寄疎放玉關曾誓
馬革裹滄海豈憂魚腹葬人生富貴本細事釣
築逢時俱將相正令不遇亦何慊藥鑱丹爐老
青嶂今年秋晚苦多雨三十六溪新綠漲極知
世事不足論霽日小舟行可榜

屏迹

咎者航濤江雲山迎我東擊楫誓江神永託冥
冥鴻十年桑榆暖萬事馬牛風邇來愈屏迹庭
戶深蒿蓬就甕挹新醅傷畦擷晚菘隣曲或念
我小鮮亦時僕喟然撫几歎恨今已龍鍾向使
早十年何媿柴桑翁

初寒

今日霜露冷凜然悲算秋垂帷跨微火發篋出
輕裘徂歲逝將換殘生愈覺浮一杯還自閤小
獵記梁州

本家風雨

風雨從北來萬木皆怒號入夜殊未止聲亂秋
江濤渺然老書生白頭臥蓬蒿閉門不敢出裂
面風如刀鄰人閤我寒牆頭過濁醪時哉一昏
醉新橙宜蟹螯

龜堂自詠

龜堂一老翁，短褐立秋風。時過同籬菊，身衰似
 井桐。新霜萬瓦白，朝日數櫺紅。且復尋書卷，悠
 然度歲窮。淡人閑弄墨，辭賦每微嘲。焚香一
 室，又恐書生白。題烟篆，高閉門不效。出
 采藤，持織履。剝楮治為冠，看劍心空壯。騎驢骨
 本寒，病多辭酒伴。老甚解祠官。予十月奉祠歲
 滿不復敢請
 賴有扁舟在，秋濤萬里寬。

閒居初冬作

香椀蒲團又一新，天將閒處著閒身。東窗換紙
 明初日，南圃移花及小春。婦女晨炊動井臼，兒
 童夜誦聒比鄰。早知閭巷無窮樂，悔不終身一

幅巾

病中排悶

面骨崢嶸鬢雪新，承平版籍有遺民。予生於
 宣和中心

雖願繼無傳學力，不能支已廢身。開卷眼昏如
 隔霧，擁爐肺渴欲生塵。老龐亦有兒孫念，付與

天公不問人

無怨伏比屋年豐有益藏風色蕭蕭生麥隴車

霜降今年已薄霜菊花開亦及重陽四時氣正

聲碌碌滿魚塘老夫亦與人同樂醉倒何妨臥

道傍

道傍

劍南詩集卷第三十七

劍南詩集目錄

卷第三十八

秋懷 吳體寄張季長 嘲畜猫 立冬

日作 初冬 醉題 新作火閣 舍

北行飯 遣興 舟中 雨夜感舊

夜聞落葉 閉門 祠祿滿不敢復請

作口號 過鄰家 舍北野望 書

感 冬夜爐邊小飲 龜堂獨酌 冬

夜作短歌 病愈 自遣 感舊 首二 寒

雨中偶賦 首二 壽考如富貴 午飯 首二

題王仲信画水石横幅 治圃 冬日感

興十韻 冬日出遊十韻 思蜀 首三 作

雪 首二 戲詠山家食品 耕罷偶書 雨

夜 菴中晨起書觸目 首四 三山杜門作

歌 首五 老境 首二 記戊午十一月二十四

夜夢 六經示兒子 舍北晚步 對酒

夜坐求酒已盡喟然有賦 食粥 寒

夜 梅花 首六 三山卜居今三十有三年

矣屋漏甚而地有餘數世之後當自成一

村今日病少間作詩以示後人 首二 南園

觀梅 歲盡苦寒 已未新歲 歲首書

事 首二 初春 菴中獨居感懷 首三 戲作

貧詩 首二 春日園中作 中春連日得雨

雷亦應候 小雨後微陰光景益奇復得長

句亦春日小園雜賦首二簡鄰里賓客叩

門多不能接往往獨坐至晚戲作日園中

偶題首四北窗偶題首四沈園首二

賦首四盡苦寒首二未憐首二賦首二

林今日少間於藉以示於人首二南園

矣望歸甚而此百餘歲世之於當自成一

三山小海今三十餘三平

劍南詩彙目錄卷三十一終

劍南詩彙卷第三十八

秋懷

形骸歲歲就枯朽意氣時時猶激昂水遠浮鷗

方浩蕩霜高殘菊更芬芳人皆有舌是非在劫

未成灰時世長三百里湖行自復子孫努力事

耕桑鏡湖廢百七十餘年故吾鄉多凶會有復之者

吳體寄張季長

九月十月天雨霜江南劍南途路長平生故人

劍南詩彙

卷之卅八

及古

阻攜手萬里一書空斷腸人生彊健已難恃世
事變遷那可常兩家子孫各長大他年窮達毋
相忘

未效嘲畜猫

甚矣翻盆暴嗟君睡得成但思魚饜足不顧鼠
縱橫欲騁銜蟬快先憐上樹輕胸山在何許此
族最知名俗言猫爲虎舅教虎百爲惟不教
上樹又謂海州猫爲天下第一

立冬日作

室小財容膝牆低僅及肩方過授衣月又遇始
裘天寸積篝爐炭銖稱布被綿平生師陋巷隨
處一欣然言貧最雅

初冬

志士逢秋已自傷老人况復惜年光正看溪碓
舂粳滑又見山坡下麥忙桐落井牀多槁葉菊
殘衫袖尚餘香讀書有課真當勉剡貯明膏伴
夜長是日方買油

醉題

生來避世傲公卿海內無人識姓名九節筇邊
秋萬里長明燈下雨三更心安白髮何勞掃藥
熟黃金固可成只待蓬壺賦詩罷却來京洛看
昇平

新作火閣

旋設篝爐下紙簾樂哉容膝似陶潛囊中佩藥
無時服架上堆書信手拈似玉秋菰殊未老如

雲宿麥不須占掃空祠祿吾何欠陋巷簞瓢易

屬厭

祠祿止
此月

又

山路霜清葉正黃地爐火煖夜偏長中安煮藥
膨脝鼎傍設安禪曲录牀木槁不知年自往雲
閒已與世相忘更闌坐穩人聲靜時聽風簾響
暗廊

舍北行飯

蔓絡疎籬艸滿塘飽嬉聊復步斜陽一霜驟變
千林色兩犢新犁百畝荒野寺僧殘尚鐘鼓官
堤舟過見帆檣歸來笑補空囊課寒日誰知亦
自長鼎肉短安輒由景林木澗不吟半自出雲
山器遣興葉玉黃批謝久劉文淵長中安黃藥
轍迹當年遍九州晚歸始解臥林丘愛身每戒
玉抵鵲養氣要如刀解牛柔艣搖殘天鏡月短
筇領盡石帆秋儘言未辦常扃戶竟是吾身得

自由

又

出仕纔堪斗大州初歸便擬築糟丘虛名大似
月蟾兔榮路久如風馬牛唧唧悲蛩常弔夜蕭
蕭蠹葉更禁秋靜觀世事頻興歎千載前時有
許由

舟中

拖邊潮水落還生蓬底寒燈滅復明約束長年

牢繫纜報人風雨有鼉鳴

又

蕭蕭風雨小江秋不是愁人亦合愁忽聽疎鐘
知寺近笑尋沙路上牛頭
龕山古戍更漏聲白堦小市燈火明六十年間
幾來往依然惻愴路傍情

雨夜感舊

雨來猛打窗燈暗猶照壁老人取不寐撫事悲
風谷風生枯柏渡馬病金牛驛裊枝猿下飲登
樹熊白擲危巢窺鶻栖淡雪見虎跡至今清夜
夢猶想嶓山碧廢棄謝功名老疾輟行役賦詩
雖不工聊用慰今夕

夜聞落葉

我行出柴門初喜春艸生俛仰幾何時落葉終
夜聲嗟我日益老抱疾況未平晨興就盥櫛顧

亦彊支撐齋中有兩童熟視不能名定非張睢
陽大笑頽冠纓死至人所同此理何待評但有
一可恨不見復兩京

閉門

閉門高臥鏡湖傍元自無閒可得忙泛罷杯觴
餘菊苦玩殘指爪帶橙香燈昏共度空階雨蛩
冷偏依丈室牀不待衰年宦情盡未來如雁到
衡陽

祠祿滿不敢復請作口號

今年高謝武夷君飯豆羹藜亦所欣參透莊生
齊物論掃空韓子送窮文心如脫穿犇林鹿迹
似還山不雨雲猶幸此身強健在鄉鄰爭看布
襦帚

又

祠庭八載竊榮名一飽心知合自營牘後落銜
便手倦月頭鐫俸喜身輕弊衣不補惟頻結濁

酒難謀且細傾賴有東臯堪肆力比鄰相喚事
冬耕

又

白首還山不自存天書四降海邊村慙非故將
前侯比誤辱優賢養老恩龜壽自應能食氣鶴
歸那得更乘軒從今再艸公車奏惟有挂冠神
武門

過鄰家

扶杖過吾鄰相誇自在身年豐稱貸少酒賤往
來頻群散雞歸柵聲喧雀噪困丁寧語兒子切
勿厭沉淪

舍北野望

短景妨遊興長歌慰作勞葉凋西埭近水落北
橋高病每隨時劇衰難與世塵旗亭新釀美萬
事一秋毫

斷墮圍蔬圃枯桑繫釣查經行橋獨木佇立路
 三义野卉棲孤蝶平川起亂鴉楮笻無定處興
 盡即還家
 溪約通西崦山蹊繚北村殘霞明水面落葉擁
 籬根野父編龍具樵兒習兔園吾今并蛙耳敢
 復慕鵬鯤
 早歲遭逢異中年促召頻馳驅猶許國臥起已
 須人藥石三秋病風波萬里身籬門殘照裏慘
 淡易傷神

書感

常記當年賦子虛公卿交口薦相如豈知鶴髮
 殘年叟猶讀蠅頭細字書出處幸逃千載笑功
 名從負此心初荒園落葉紛如積日暮歸來自
 荷鋤

冬夜爐邊小飲

擁爐可使曲身直飲酒能回槁面紅若使金丹
真入手飛騰亦在立談中

龜堂獨酌

幅巾蕭散餞餘齡江左諸賢可乞靈護枕小屏
圖紫閣映窗矮卷寫黃庭曠懷與世元難合幽
句何人可遣聽一酌蘭溪遺萬事時看牆底臥

長瓶

偶得蘭溪十餘樽清醇馥烈殆不可名

又

一榼蘭溪自獻酬徂年不肯為人畱巴山頻入
初寒夢江月偏供獨夜愁越石壯心雞喔喔子
卿歸信雁悠悠天生我輩初何用病骨支離又
過秋

冬夜作短歌

飢鼠窺殘燈寒犬踏枯葉小室擁燎爐清笳下
危堞老人素多疾舉動常畏怯衣裘視寒燠日

夜自調燮食必按本艸下箸未嘗輒體安疾自
去藥石無此捷敢學李輕車霸亭夜遊獵況如
馬新息萬里聽鳶跼欲求神氣住先戒事物接
寧爲子光瘖不效嗇夫喋明晨一杯粥跌坐橫
白氎無魚何足道爲爾歌長鋏

病愈

倦榻呻吟每自哀占蓍來告

吉一作

出餘災自能

洗研拂書几時亦折花尋酒杯久類寒蛟潛岫

穴忽如老馬噴風埃霜晴爛熳東窗日一笑山

坡訪早梅

自遣

枳籬茅屋枕孤峯偃盡初來手種松睡少未成
千里夢愁淡先怯五更鐘中天日月逢真主數
畝桑麻伴老農世事古今誰料得不堪陂水照
衰容

感舊

君不見資中名士有李石八月秋濤供筆力初
爲博士不暖席晚補臺郎俄復斥諸公熟睨亦
太息摧壓至死終不愴生前何曾一錢直沒後
遺文價金璧後之視今猶視咎此事誠非一朝
夕山城舊廬暗荆棘羸然諸孫守墳籜撫孤我
負朋友責萬里詩成淚空滴

又

君不見蜀師渾甫字伯渾半生高臥墓頤村才
不得施道則尊死已骨朽名猶存文章落筆數
千言上友離騷下招魂望之眉宇何軒軒高談
浩若洪河翻范尹敬如綺與園方飾羔雁登衡
門小人謗傷實不根妄指拱璧求瑕痕窮通在
公豈足論浮雲終散朝陽暎安得此老起九原
入贊國論蘇黎元

范至能帥成都欲以遺逸起之幙客有沮之者遂不果

寒雨中偶賦

鬢毛蕭颯齒根浮徂歲翩翩肯暫畱窮巷多泥

誰問疾空堦滴雨又經秋自營可笑誇三窟善
守寧須築百樓但使胸中機事盡一樽隨處送

悠悠國論蘓秦六
上對秦言且言秦不果
或至並州如請於以魯魯

公豈又論我雲谷六
公豈又論我雲谷

算年心事與誰同到處飄然一病翁斷夢淒涼

燈影裏殘詩零落雨聲中莫驚顏鬢渾非昨略

數朋儕已半空祠祿上還猶負媿何功班綴冠

僊蓬寸官視
秘書監
尊亦已骨枯各餘寸文章密筆煙

壽考如富貴

壽考如富貴初亦不自知邂逅偶不死亦或至
期願予少多疾恙五十已遽衰齒搖頷鬢白蕭
然蒲柳姿俛仰忽二紀臥病實半之富貴不可
求壽亦豈汝私萬事付自然孰為樂與悲惟當
老益學易簣以為期

午飯

我望天公本自廉身閒飯足敢求兼破裘負日

菊簷底一椀藜羹似蜜甜

又

民窮豐歲或無食此事咎聞今見之吾儕飯飽
更念肉不待人嘲應自知

題王仲信画水石横幅

王郎書逼楊風子画亦憑陵蜀雨孫豈是天公
憎絕菀一生憔悴向衡門

治圃

槁蔓殘蕪滿幽圃多具鉏耰課僮豎非惟吾圃
要翦除亦恐爾輩成惰窳老桂盤壑飽風霜修
篁當軒弄煙雨一松孤立信豪傑兩槐對植如
賓主珍禽揀枝春欲動蠹穴掃空吾甚武靡蕪
芽蘗已暗長甘菊根芽亦潛吐山薑澗蒲乃微
艸露葉參差看仰俯世間安得有遺才位置要
須令得所

冬日感興十韻

霧雨天昏曠陂湖地阻淡蔽空鴉作陣暗路棘
成林有客風埃裏頻年老病侵夢魂來二豎相
法欠三千舊憤開孤劔新愁感斷砧唐衢惟痛
哭莊舄正悲吟瘦跨秋門馬寒生野店衾但思
全舊壁敢冀訪遺簪樓上蒼茫眼燈前破碎心
長謠傾濁酒慷慨壓層陰
吳會寒常薄冬淡略未冰荒郊觀雉鬪大澤見

冬日出遊十韻

魚騰釣艇頻容偕籃輿漸可乘有時穿密篠隨
處倚枯藤金石秦遺刻衣冠禹舊陵叢祠祈臘
雪小市試春燈問路鉏畬叟爭橋乞供僧疎狂
違俗久衰疾與年增干祿雖知恥懸車媿未能
階官有微俸醉髮任鬢髻

思蜀

園廬已卜錦城東
乘驛歸來更得窮
只道驂驪開道路
豈知魚鳥困池籠
石犀祠下春波綠
金

雁橋邊夜燭紅未死舊遊如可繼典衣猶擬醉
耶筒子平無效東萊

又

二十年前客錦城酒徒詩社盡豪英才名吏部

傾朝野意氣成州英死生

吏部郎字文紹奕哀自成州守字文子震

子廢苑探梅常共醉遺祠訪柏亦俱行即今病

臥寒燈裏欲話當時涕已傾

魚湖又

譚侯才氣敵文園

國子監丞譚季士德稱

日日銀鞍画戰

應作

門奇句入神聞鬼泣巨觥如海看鯨吞一官胄

監能令死萬里銘旌忍更論湖上秋來頻入夢

憑誰詞翰與招魂

作雪

雪雲寒不動林鳥噤無聲病起衰何劇囊空醉

不成中原亂方作弱虜運將平臺省多賢俊常

談媿老生

荒村雪欲作老叟病無聊樹暝鳥鳶集茆溪雉
兔驕溪灘觀趁渡嶺路數歸樵卽死無它憾終
身負聖朝

戲詠山家食品

牛乳抨酥淪茗芽蠶房分蜜漬棕花舊知石芥
真尤物晚得萋蒿又一家疎索鄉鄰綠老病團
欒兒女且喧譁古人不下藜羹糝斟酌龜堂已

太奢

耕罷偶書

新溉東臯畝一鍾烏犍麤足事春農灞橋風雪
吟雖苦杜曲桑麻興本濃老大斷非金谷友生
存惟冀西泉封莫嘲野餉蕭條甚箭茁蓴絲亦

粗一作且供

雨夜

末路蕭條客子心不堪徂歲更沉陰低簷雨滴

睡眠少敗壁燈殘感慨淡不辦典衣謀盡醉尙
能擁鼻作微吟交朋一散如天遠試向今宵夢
裏尋

菴中晨起書觸目

山重水複怯朝寒一卷窗間袖手看朱檐長瓶
列雲液絳囊細字拆龍團數峯移自侏儒國一
研來從黯淡灘要識放翁頑鈍處胸中七澤著

猶寬

雲液揚州酒名近淮帥餉數十尊營道小
山及劔硯得自張季長張仲欽適在案間

又

暉暉初日上簾鈎漠漠清寒透衲裘雪棘竝棲
雙鵲暝金環斜絆一猿愁廉先臥壑松楠老王
子穿林水石幽戲事自憐除未盡此生行欲散

風漚

唐希雅画鵲易元吉画猿廉宣仲老
木王仲信水石皆菴中所挂小軸

又

賦形不使面團團聳膊心知到骨寒晏子元非
枕鼓士杜生那有切雲冠時扶遷客桃榔杖日

厭詩人首荷盤賴是平生憎阿堵今年初解侍
祠官不問西園圖畫職心賦便得遊湖海

又

初歸誓墓老鄉邦手結茆茨近小江北渚露霑
行藥屐東廂日射勘書窗孤忠自信丹心折萬
事空成雪鬢雙長媿宗人白崖老贈行期我鹿
門龐予自成都召還禱射洪白崖陸使君祠使
君以杜詩為籤予得全家隱鹿門之篇
三山杜門作歌

我生學步逢喪亂家在中原厭犇竄淮邊夜聞
賊馬嘶跳去不待雞號旦人懷一蕤艸間伏往
往經旬不炊爨嗚呼亂定百口俱得全孰為此
者寧非天

又

高宗下詔傳神器嗣皇御殿猶揮涕當時獲綴
鵷鷺行百寮拜舞皆獻欬小臣疎賤亦何取即
日趨召登丹陛嗚呼橋山歲晚松柏寒殺身從

死豈所難

又

中歲遠遊踰劔閣青衫誤入征西幙南沮水邊

秋射虎大散關頭夜聞角画策雖工不見用悲

吒那復從軍樂嗚呼人生難料老更窮麥野桑

村白髮翁

又

晚入南宮典牋奏濫陪太史牛馬走忽然名在

白簡中一權還家傾臘酒十年光陰如電電綠

蓑黃犢從鄰叟嗚呼古來骯髒例倚門況我本

自安丘園

又

寬恩四賦仙祠祿每忍慙顏救枵腹五秉初辭

官粟紅一瓢自酌巖泉綠天公藥除不負汝宿

疾微平歲中熱嗚呼字字細讀逍遙篇此去八

十有幾年

金剛詩集
十九
老境

白髮短欲盡人嗤心尚孩埋盆池漱灑累瓦墻
崔嵬輒飯三春米醇醪九醞醅忽然拈筆起記
著早梅開

又

今日霜殊重衰翁老可憐朝晡兩炊火覆藉一
牀氊人客容稱疾兒童不攪眠雲開見殘日更
愛小窗妍

記戊午十一月二十四夜夢

街南酒樓粲丹碧萬頃湖光照山色我來半醉
躡危梯坐客驚顧聞飛屐長緇短帽黃絁裘從
一山童持藥笈近傳老仙嘗過市此翁或是那
可識逡巡相語或稽首爭獻名樽冀餘瀝我欲
自言度不聽亦復軒然爲專席高談方縱驚四
座不覺隣雞呼夢破人生自欺多類此撫枕長
謠識吾過

六經示兒子

六經如日月萬世固長懸學不趨卑近人誰非
聖賢馬能龍作友蝸乃瓮爲天我老空追悔兒
無棄壯年

舍北晚步

漠漠炊煙村遠近蓼蓼攤鼓埭西東三叉古路
殘蕪裏一曲清江淡靄中外物已忘如棄屣老
身無伴等羈鴻天寒寂寞籬門晚又見浮生一

歲窮

對酒

老子不堪塵世勞且當痛飲讀離騷此身幸已
免虎口有手但能持蟹螯牛角挂書何足問虎
頭食肉亦非豪天寒欲與人同醉安得長江化
濁醪

夜坐求酒已盡喟然有賦

澹月微霜夜漏徂披裘不睡附寒爐清笳嫋嫋

已三弄殘火熒熒纔一銖報國無期心欲折讀
 書自力眼將枯麴生作態年來甚不受閒人折
 簡呼

食粥

張文潛有食粥說謂食粥可以延年予竊愛之

世人箇箇學長年不悟長年在目前我得宛丘
 平易法只將食粥致神仙

寒夜

堅氷塞川厚莫測斷雁叫群聲可哀艸園小甕
 酒未熟霜壓瘦枝梅不開穉子忍寒守蠹簡老
 夫忘睡畫爐灰低頭就世吾所諱千載伯鸞安
 在哉

梅花

五十年間萬事非放翁依舊掩柴扉相從不厭
 閒風月只有梅花與釣磯

又

山村梅開處處香醉插烏巾舞道傍飲酒得仙

陶令達夢花欲死杜陵狂

又

一花兩花春信回南枝北枝風日催爛熳却愁
零落近丁寧且莫十分開

又

廣寒宮中第一仙情淡不碍韻超然勸君莫作
兒女態但向花前傾玉船

又

秭歸江頭煙雨昏客舟夜繫梅花村相逢萬里
各羈旅不待猿啼已斷魂

又

青羊宮前錦江路曾爲梅花醉十年豈知今日
尋香處却是山陰雪夜船

甫卜三山卜居今三十有三年矣屋漏甚而地

有餘數世之後當自成一村今日病少間

作詩以示後人

印累累綬若若換君朱顏君不覺冠如箕劔拄
頤蒼頭廬兒笑君癡不如短褐歸鄉舍上畢租
庸下婚嫁橫陂引水蒔禾黍高陸犁荒種桑柘
比鄰畢出觀夜場老稚相呼作春社雞爭舂米
茅簷底犬吠行人槿籬罅數椽幸可傳子孫此
地它年名陸村藜羹一飽能世守殊勝養牛并
土尊

林又

再見封侯未爲快一擲成盧安用再世間得意
固多矣堪笑窮人事常敗我生出仕四十年寸
進恰如船上埭卽今臥病茅簷裏回首窮通竟
何在荆山之下玉抵鵲兩京春齋論斤賣蘇秦
煌煌佩六印尼父栖栖厄陳蔡玄傑美官輒見
患東野出門常有碍躬耕至老豈不佳子孫當
以吾爲戒

南園觀梅

小嶺清波寂寞中綠樽歲晚與君同高標賴有
 詩人識絕艷真窮造物工正喜參差橫夜月又
 驚零落付春風老諳世事寧多歎身自人間一
 轉蓬

歲盡苦寒

曉寒無賴透重裘三日江雲暝不收歲月推移
 吾輩老交朋零落此生浮東臯苦潦猶中熟舊
 疾雖存亦小瘳禹廟蘭亭俱在眼剝沾春酒破

春愁

己未新歲

餞歲愁雖劇迎年喜亦淡桃符帶艸寫椒酒過
 花斟車馬久無迹兒孫聊慰心更欣春意早處
 處有鳴禽

歲首書事

東風入律寒猶劇多稼占祥雪欲成

雲陰作雪
彌旬至開

歲雪意愈濃明日戊初
立春猶可為臘雪也

鬱壘自書誇腕力屠蘇

不至歎人情

今歲無餽屠蘇者

呼盧院落譁新歲

鄉俗歲夕

聚博謂之試年庚

賣困兒童起五更

立春未明相呼賣春困亦舊俗也

白髮滿頭能且健
剗隨鄰曲樂昇平

又

扶持又度改年時
耄齒侵尋敢自期中夕
祭餘

分餽飪

鄉俗以夜分畢祭享長幼共飯其餘又歲日必用湯餅謂之冬餽餽年餽飪

犁明人起換鍾馗
春盤未抹青絲菜

今年正月二日立春

壽筭先酬白髮兒
聞道城中燈絕好
出門無日

歎吾衰

客來多言府中今歲上元燈甚盛

初春

元日人日來聯翩
轉頭又見試燈天
且欣一雪

壓災瘴不怕連陰
咽管絃陌上漸多
酤酒舍岸

邊初理下湖船
紫姑擬卜元無事
只問今春幾

醉眠

菴中獨居感懷

身愈龍鍾髮愈稀
流年冉冉迫殘暉
讀書十紙

勤雖在上樹千回事已非伏馬曾鳴宜取斥牧
羝雖乳亦忘歸餘生自笑知何似萬里遼天老
令威

又

自閉菴門不點燈惰耕村叟罷參僧一生已是
膠黏日投老安能夏造冰頑面敢辭乾汝唾蔬
餐聊得曲吾肱高春睡熟無多笑那有禪師解
放鷹

又

無錢溪女亦畱魚有雨東家每俗驢藜粥數匙
晨壓藥松肪一椀夜觀書黃紬被暖閒無厭白
布衫長樂有餘南陌東阡春事動放翁作計未
全疎

戲作貧詩

垂老貧彌甚虛教遇太平竈閒無馬穴釜冷有
魚生妾病常停織兒飢屢輟耕癡頑惟此老未

廢浩歌聲

垂老又

左券頻稱貸西成少蓋藏苦飢炊稻種緣病賣

桑黃土焙憐煙煖藜羹愛糝香君看首陽叟窮

死亦何傷

春日園中作

杏花開過尚輕寒盡日無人獨倚闌久別名山

憑夢到每思舊友取書看塵埃幸已賒腰折富

貴淡知欠面團老去逢春都有幾一杯行復送

春殘

中春連日得雨雷亦應候

誰言白首意低摧老子逢春亦樂哉犁畔方吹

社公雨隴頭又轉阿香雷睡餘支枕聽鶯語醉

裏題窗記燕來更有山家堪喜事吾孫上樹欲

千回

德孫幼病足今已行步健甚

雨後微陰光景益奇復得長句

結轍軒車已掃空揮犀談笑與誰同日消淺醉
 閒吟裏春在輕陰薄靄中百尺遊絲喜風定一
 雙新燕說泥融天工只費須臾力開遍東關半
 丈紅

春日小園雜賦

久矣雲霄鍛羽翰小園聊得賦春寒魯望有春寒賦風
 生鴨綠紋如織露染猩紅色未乾不向山丘歎
 零落且從兒女話團欒人言麥信春來好湯餅

今年慮已寬香薰然自笑戰無事魚書管中又

得計又甘如燕過湖和具以絲帶流寧咄去融

市塵不到放翁家繞麥穿桑野徑斜夜雨長溪
 三尺水曉寒畱得一分花悶從鄰舍分春瓮閒
 就僧窗試露芽自此年光應更好日驅秧馬聽
 縑車

簡鄰里

今年意味報君知屬疾雖頻未苦衰獨坐空齋

如自訟

三舍法行時嘗上書言事者屏置一齋曰自訟

小鑄殘俸類分

司

樂天詩猶彼妻孥教漸退莫求致仕且分司

閒撐野艇漁蓑溼亂

插山花醉帽歌有興行歌便終日逢人那識我

為誰

三夕客叩門多不能接往往獨坐至晚戲作閒

貧舍久疎羅酒漿客來不復倒衣裳官情已盡

詩情在世味無餘睡味長紅練帶飛穿柳去錦

熏籠暖撲簾香蕭然自笑渾無事漁唱聲中又

夕陽

園中偶題

綠衣粲粲味微丹映葉穿枝立画欄莫戀主人

驚不去五陵年少有金丸

又

春淡無處不春風數樹桃花乃爾紅鶯蝶紛紛

自常事不應也著白頭翁

禽名

又

憶向彭州取牡丹蠟封馳騎露初乾如今歷盡
人間事縱有姚黃亦嬾看

又

九日春陰一日晴不堪風駕浪花生画船欲解
還歸臥寂寂窗扉聽鳥聲

北窗偶題

兩叢香百合一架粉長春堪笑龜堂老歡然不
記貧

又

曉晴林鵲喜晝暖蜜蜂喧我老詩情盡逢春亦

一言

又

簾外燕翩翩歸時在社前不辭飛渡海來看賽

豐年

又

煙波兩鷓鴣肯爲放翁來菰米猶能給蒼顏得

屢開

沈園

城上斜陽画角哀
沈園非復舊池臺
傷心橋下春波綠
曾是驚鴻照影來

又

夢斷香消四十年
沈園柳老不吹綿
此身行作稽山土
猶弔遺蹤一泫然

劔南詩彙卷第三十八

劔南詩彙目錄

卷第三十九

戲贈園中花 春思 贈燕 雨悶示兒

子 讀晉書 春晚苦雨 燕 夜雨

寒食日九里平水道中 春晴自雲門歸

三山 予數年不至城府丁巳火後今始

見之 晚自北港泛舟還家 書懷 初

夏 小築 喜雨 晨起 五月初病體

益輕偶書 已未重五 五月七日拜致

仕勅口號 首二 致仕後卽事 首十五 讀後

漢書 首二 新裁道帽示帽工 新製道衣

示衣工 兩翁歌 五月中連夕風雨氣

候如高秋枕上有賦 前詩感槩頗深猶

吾前日之言也明日讀而悔之乃復作此

然亦未能超然物外也 雨後過近村

銘座 致仕後述懷 首六 蝶 戲贈酒榼

題菴壁 首二 泛舟澤中夜歸 書嬾

晨起 夜坐 白樂天詩云倦倚繡牀愁

不動緩垂綠帶髻鬟低遼陽春盡無消息

夜合花前日又西好事者画之爲倦繡圖

此花以五六月開山中多于茨棘人殊不

貴之爲賦小詩以寄感歎 蟬蛸行 望

霽 久雨路斷朋舊有相過者皆不能進

散步至三家村 村東晚眺 首二 露坐

首二致仕後歲事有望欣然賦詩 夜聞

姑惡 村舍雜書 首十二 逃暑小飲熟睡

至莫 首二 夜坐庭中達旦 讀前輩詩文

有感 自嘲 予讀元次山與灑溪鄰里

詩意甚愛之取其間四句各作一首亦以

示予幽居隣里 首四 東山避暑用轆轤體

喜雨 得故人書偶題 喜雨歌 老

學菴井 長歌行 七月二日夜賦 自

述 首二 項羽 曹公

劍南詩彙目錄

卷三十九終

劍南詩彙卷第三十九

戲贈園中花

橫風疾雨為花厄
霽日暄風又不禁
我欲小施調燮手
酌中寒暖半晴陰

春思

兀兀治顰酒未醒
霏霏潑火雨初晴
愁看入戶桃花片
閒聽爭巢燕子聲
百疾侵陵成老大
一春轉盼又清明
蘭亭禹廟渾如昨
回首兒時似

隔生知及謝國論真路獨取時和回首良非
特許贈燕
燕來我何喜感此中春時燕去亦何有無奈凋
年悲四序如循環萬物更盛衰我亦寓斯世如
客會當歸驪車已在門戀戀終何爲達人付無
心欣厭兩俱非豈有天壤間會合無別離對花
不爛醉燕子笑汝癡

雨悶示兒子

東吳春雨多略無三日晴濛濛平野暗浙浙空
階聲百花雨中盡三月未聞鶯重裘坐奧室時
序真強名亦欲俗驢出泥淖沾衣纓撫事每累
歛濁醪聊獨傾景運今方開關輔一日平我家
本好疇灞澹可躬耕買酒新豐市看花下杜城
會當與汝輩藉艸作清明

讀晉書

諸公日飫萬錢厨人乳蒸豚玉食無誰信秋風

曉雨絲絲熟食時泥淡輒斷客行遲亂雲重疊
藏山寺野水縱橫入稻陂馬鬣松陰封舊隴龜
跌道左立新碑扶衰此出知能幾清淚臨風不
自持

春晴自雲門歸三山

乍行春野眼增明漸減春衣體倍輕人賣山茶
先穀雨鴉隨墻祭過清明柳塘水滿雙鳧戲稻
隴泥淡一犢行晚到三橋泛舟去掩關不復畏

重城

予數年不至城府丁巳火後今始見之

陳迹關心已自悲劫灰滿眼更增歎山川壯麗
咎無敵城郭蕭條今已非寧堵招提俱昨夢祝
融回祿尙餘威故交減盡新知少縱保桑榆誰
與歸

晚自北港泛舟還家

舒嘯蓬籠底經行略約西水淡鵝唼艸雨細犢

劍南詩集 四
汲古閣
掀泥醉倚乾坤大間知物我齊衡門觸冠過聊
得賦幽棲

書懷

羸馬常愁趁早朝斥歸幸復侶漁樵青黃未勝
溝中斷宮徵何殊爨下焦心樂簞瓢同鼎食身
安山澤謝弓招數間茅屋誰知處煙雨濛濛隔
斷橋

初夏

淡靄輕颺入夏初一窗新綠鳥相呼出門易倦
常歸臥著句難工但自娛花徑蝶閒無墮藥酒
樓人散有空壚閩川茶籠猶霑及肺渴朝來頓

欲蘇

閩中貢餘
茶初至

小築

放翁小築寄江郊屋破隨時旋補茅莫看白煙
橫水際曉聽清露滴林梢生來不啜猩猩酒老
去那營燕燕巢日斷鹿門三太息龐公千載可

論交

喜雨

幽人睡覺夜未央
四簷懸溜聲浪浪
樂哉甘澍及時至
九衢一洗塵沙黃
明朝鄰曲各驩喜
賽廟沽酒刲猪羊
不勞輾轉蹋龍骨
轉盼白水盈陂塘
呼兒掃地設菅席
與汝一醉歌時康
豈惟磨鎌待收麥
小甌已覺吳粳香

晨起

天公擇地養衰殘
著向桑村麥野間
曉色入簾初愧漾
幽禽窺戶已閒關
酒徒散去稀中聖
詩思衰來媿小山
一炷沉煙北窗底
曲肱臥看勝閒

五月初病體益輕偶書

世事紛紛了不知
又逢燕乳麥秋時
經年謝客常因醉
三日無詩自怪衰
藥雨旋移西崦藥
留燈重覆北窗棋
但將生死俱拈起
造物從來是

小兒

已未重五

時已請老

門楣束艾作神人團糗盤中節物新安用丹書
襪赤口風波雖惡不關身

五月七日拜致仕勅口號

剡曲東歸日醉眠水街屢忝武夷仙恩如長假
容居里官似分司不限年一扎疏榮馳厩置兩
兒扶拜望雲天坐糜半俸猶多媿月費公朝二

萬錢

又

黃紙東來墨未乾孤臣恩許挂朝冠小兒扶出
迎門拜隣舍相呼擁路觀白首奉身歸畎畝清
霄無夢接鷓鴣從今剡把花前酒憂患都空量
自寬

致仕後卽事

休官拜命不勝榮墨溼黃新照眼明絡繹交親

來作賀腔羊酒擔擁柴荆
涼眼那門絲繫交縣

又

救過鸞臺鳳閣來
清晨初拆驛書開
繡箱香案迎門拜
身著朝衫止此回
芬蘭憂患階空量
山村處處晴收麥
鄰曲家家午曬絲
正用此時身得謝
十分壽酒不須辭

又

白髮三朝執戟郎
賜骸偶值歲豐穰
村東已種千畦麥
舍北新添百本桑

又

老民一日脫朝衣
回首平生萬事非
赤腳婢沽村釀去
平頭奴馭艸驢歸

又

一生病鶴寄樊籠
此去鴻冥萬里空
未論尊羹與羊酪
新杭要勝太倉紅

沉緜分已餞餘生造物苛留未遣行今日下牀
還健在一編來就小窗明

清靜全勝欲界天逍遙不減地行仙衆中莫怪
人嫌老十五年前本命年

一盂麥飯掩柴關坐久不堪腰脚頑拖得瘦藤

閒信步小橋東北望螺山

問門前客元無迹諛墓中人本不工猶有鄰僧
能送米未妨竊比玉川公

歸耕所願雜民編乍脫朝衫喜欲顛但得吾兒
能力穡不請半俸更超然

初南詩集 卷之卅九 及古閣

湘湖蓴菜勝羊酪項里楊梅敵荔枝八帙開來
今過半一杯引滿若爲辭

不嫌雞瘦濁醪酸艸艸杯盤具亦難食指忽搖
方竊喜小兒來請賽鄱官

甌中白飯出新春瓮裏黃齋細苧葱一飽坐兼
南北美始知造物念衰翁

又

多事車前要八騶老人惟與一藤遊未教變化
爲龍去更踏人間萬里秋

讀後漢書

賃春老子吾所慕垂世文章寧在多詩不刪來
二千載世間惟有五噫歌

又

季英行年九十八猶灌園蔬授六經我欲圖之

置齋壁世無顧陸善丹青

新裁道帽示帽工

故帽提攜二十霜別裁要作退居裝
山人手段雖難及老子頭圍未易量
花插露霑那暇惜塵侵鼠齧却須防
畏時嬾復呼兒問一匣菱花每在傍

新製道衣示衣工

良工刀尺製黃絁天遣家君樂聖時
著上朱門

應不稱裁成烏帽恰相宜客撐小艇
招垂釣僧掃虛窗約對棋寶帶貂冠
雖看好定知不入野人詩

兩翁歌

君不見塞上失馬翁馬去安知不爲福
又不見新豐折臂翁臂廢身全老鄉國
陸翁多難類兩翁著書滿屋身愈窮
十年力耕遇水旱老不能耕年始豐
人言翁窮可閔笑霍食鶉衣天所料

翁方自謂實幸民對人抱膝惟清嘯卽今群公
佐明主長劔挂頤來接武向非老病又不才縱
欲歸休寧見許

五月中連夕風雨氣候如高秋枕上有賦
擁被微吟短鬢秋孤燈殘漏共悠悠雨聲不貸
三更夢洒力寧禁萬里愁身寄湖山鄰剡曲心
遊河嶽過關頭世間可恨知多少虛弊當年季
子裘

前詩感槩頗淡猶吾前日之言也明日讀
而悔之乃復作此然亦未能超然物外也
身世今如一老僧病餘殘髮雪鬢髻湖桑埭下
漁舟雨道樹山前野店燈澗水潺湲供洗鉢松
風蕭颯入行滕世人欲覓何由得覲面相逢喚
不應

雨後過近村

賦罷淵明歸去來紵衣桐帽一時裁歲華新筍

劍南詩集 十二
初成竹天氣停雲未斷梅江路醉歸常鬼我僧
窗閑過卽徘徊老人剝有凋年感寄語城笳莫
苦催

銘座

天下本無事庸人實擾之吾身本無患衛養在
得宜一毫不加謹百疾所由滋人生快意事噬
齋莫能追汝顧不少忍殺身常在斯溪居勿妄
動一動當有思每食視本艸此意未可嗤賦詩

置座右終身作元龜

致仕後述懷

彈冠紹興末解組慶元中灑灑危塗過邯鄲幻
境空閒傳相牛法醉挾鬪雞翁衝雨歸來晚山
花滿笠紅

又

壯歲江湖去還朝六十餘輩流俱已盡勲業固
知疎遽走寧黔突長閒祇荷鋤如今更何憾終

作愛吾廬

又

生理雖貧甚胸中頗浩然常辭問字酒屢却作

碑錢寧有駱堪鬻尚無車可懸小須梅雨霽散

髮醉江天

又

咎自臺郎斥頻年困負薪四叨優老祿十送故

鄉春衰瘁寧知活蕭條敢厭貧惟思逢樂歲擊

壤學堯民

又

韋布還初服蓬蒿臥故廬所慚猶火食更恨未

巢居叱叱驅黃犢行行跨白驢交親各強健不

必問何如

又

店店容賒酒家家可乞漿白陂時雨足綠樹午

陰涼病為休官減門緣謝客荒今朝遇隣叟滿

初南詩集

卷之卅九

及古

意說豐穰

蝶

庭下幽花取次香
飛飛小蝶占年光
幽人爲爾憑窗久
可愛淡黃愛淺黃

戲贈酒榼

老去臥湖海
白髮朝朝新
賴有小道士
時來中聖人
形模雖簡古
風味絕清真
何當秋雨夕
傾倒見情親

題菴壁

破屋颼颼雀鼠穿
邇來四壁愈蕭然
錢多孰謂可使鬼
人衆何嘗能勝天
禿尾驢遊雲外寺
長鬚奴引竹間泉
更餘一事猶當勉
讀易從今十絕編

又

孤村寂寂潮生浦
小院昏昏雨送梅
蔬食一簞宜面槁
畏塗九折自心灰
古人骨朽有書在
今

劍南詩集 十五
雨泥多無客來散髮陽狂非寄傲世間萬事本
悠哉

泛舟澤中夜歸

無窮煙海接空濛秦望稽山醉眼中虹斷已收
千嶂雨鶴歸正駕九天風漁舟容與橫沙際水
鳥號鳴傍葦叢興盡還家忽三鼓半輪殘月斗
杓東

書嬾

此身不覺老侵尋殘髮蕭蕭雪滿簪那有新詩
書觸目亦無閒話問安心塞垣西戍茫如夢省
戶東歸病至今一嬾便知生世了午窗酣枕敵
千金

晨起

清晨推枕起盥面吾事足豈無掃灑役出市待
歸僕小殮亦已省尚進藥盈掬整衣登北堂危
坐巾一幅徐行梧楸陰愛此雨餘綠幽鳥東山

來鏘鳴若琴筑靜聽興未闌穉子報飯熟欣然
往從之寧計食不肉

夜坐

仲夏苦鬱蒸既夕熱未解浴罷坐柴門汲井痛
掃灑覆野天穹穹垂地星磊磊明河落無聲北
斗低飲海三更缺月升艸木盡光彩漁舟在何
許斷續聞欸乃百憂集老境坐歎雙鬢改誰能
擁雕戈遺虜何足醢

白樂天詩云倦倚繡牀愁不動緩垂綠帶
髻鬟低遼陽春盡無消息夜合花前日又
西好事者画之爲倦繡圖此花以五六月
開山中多于茨棘人殊不覺之爲賦小詩
以寄感歎

王室東遷歲月賒兩京漠漠暗胡沙繡牀倦倚
人何在風雨漫山夜合花

蜉蝣行

蝓蟞至細能知時春風磴雨占無遺蜻蜓滿空
乃不知庭除一出無歸期樂哉蜻蜓高下飛蝓
蟞未盡何憂飢簷間蜘蛛亦伺汝吐絲織網腹
如鼓

望霽

夜雨勿厭空堦聲天公欲作明朝晴明朝甲子
最畏雨榜舟入市聞古語今年雨暘俱及時麥
已入倉雲四垂雨來不駛亦不遲大點如菽細
如絲徐徐雲開見杲日晚禾吹花早禾實但令
有米送官倉豆飯藜羹甘似蜜

久雨路斷朋舊有相過者皆不能進

今年風雨多平陸成沮洳吾廬地尤下積水環
百步客從城市來熟視却復去僮奴笑欲倒織
屐知無路計其各還家對竈燎衣袴嗟予久退
藏蓬藿生庭戶誰如數子賢裹飯肯來顧清言
雖不接亦足慰遲莫

散步至三家村 湖桑埭
西村名

人情簡朴古風存
算過三家水際村
見說終年常閉戶
仍聞累世自通婚
曾船歸處魚殮美
社瓮香時黍酒渾
記取放翁扶杖處
渚蒲煙艸溼黃昏

村東晚眺

興來信步過東陂
最愛村東物象奇
藤杖穿雲秋望處
葛衣霑露夜歸時
殘聲淒斷蟬移樹
孤

影荒寒鵲遶枝自
揣今年還得飽
一川新稻已離離

又

飽食無營過算年
筇枝到處一蕭然
清秋欲近露霑艸
新月未高星滿天
遠火微茫沽酒市
叢蒲窸窣釣魚船
哦詩每恨工夫少
又廢西牕半夜眠

露坐

星稀避月明河白映天青入夜蟬逾急先秋葉
自零花枝栖霞露蝶簾罅度風螢欲喚隣翁坐漁
舟醉不醒
落月無留照殘河亦已傾墜枝雙鵲裊黏艸一
螢明暑令忘三伏涼颼逼五更爲憐荷瀉露故
起繞池行

致仕後歲事有望欣然賦詩

聖時恩厚賜餘生日與鄉閭樂太平已棄胡牀
無長物尙攜拄杖有同行新裁烏帽人爭看小
摘青蔬手自烹買得水車無用處絕知造物相
歸耕

夜聞姑惡

湖橋東西斜月明高城漏鼓傳三更釣船夜過
掠沙際蒲葦蕭蕭姑惡聲湖橋南北煙雨昏兩
岸人家早閉門不知姑惡何所恨時時一聲能

斷魂天地大矣汝至微滄波本自無危機秋菘
有米亦可飽哀哀如此將安歸南北豐雨各兩

村舍雜書

諸詩皆陶意懸境一洗

我本杞菊家桑苧亦吾宗種菘日成列喜過萬
戶封今年夏雨足不復憂螟蟲歸耕殆有相所

願天輒從

中春農在野蠶事亦隨作手種臨安青桑各可飼

蠶百箔累累繭滿簇繹繹絲上隻老子雖安眠

衣帛可無忤

舍北作蔬圃敢辭灌溉勞輪囷瓜瓠熟珍愛敵

豚羔晨殮戒厨人全項淨去毛雖云發客笑亦

足尉老饕

舍南種胡麻三日幸不雨晨起親按行已見青

漏當作滿

覆土窮人如意少喜色漏肩宇兒童勿惰偷造
物不負汝

又

五月新麪成六月甘瓜熟作麴及良時火見金
始伏懸知桑落後醅面醲如粥再拜謝天公無

功叨美祿

予家釀用宛丘瓜麴法

又

折蓮釀作醯采豆治作醬開曆揆日時汲井滌

瓮盎上奉時祭須下給春耕餉咨爾後之人歲
事不可曠

又

東山石上茶鷹瓜初脫鞫雪落紅絲磴香動銀
毫甌爽如聞至言餘味終日留不知葉家白亦
復有此不

又

逢人乞藥栽鬱鬱遂滿園玉芝來天姥黃精出

雲門丹苗雨後吐綠葉風中翻活人吾豈能要
有此意存

又

我居大澤中一舟不可無短篷挾兩漿疾若波
中鳧來往菰蘆村案行瓜芋區浮家亦可樂何
必愛吾廬

又

軍興尚戎衣冠帶謝褒博禿巾與小裒顧影每
懷忤及今反士服始覺榮天爵出入阡陌間終
身有餘樂

又

讀書乃一癖我亦不自知坐書窟至老更欲傳
吾兒吾兒復當傳百世以爲期君看北山公太
行尙可移

又

爵祿九鼎重名義一羽輕人見其如此吾道何

由行湖山有一士無人知姓名時時風月夕遙
聞清嘯聲

逃暑小飲熟睡至暮

桑落香浮榭葉杯甘瓜綠李亦佳哉虛堂頓解
汗揮雨高枕俄成鼻殷雷靜聽風聲生檻竹徐
看日影轉庭槐晚涼更動扁舟興北渚紅葉已
半開

又

槐影桐陰欲滿廊綸巾羽扇自生涼新篔玉漉
陳麩榼平展風漪可一牀馳騎遠分丹荔到大
盆寒浸碧瓜香湖邊誰謂幽居陋也愛迢迢夏

日長

夜坐庭中達旦

老矣常嗟去日適病來更覺此生浮庭花無影
月當午簷樹有聲風報秋足倦獨行驚蹉跎髮
稀久坐怯颼颼雞號日出閑無事又向清溪弄

釣舟

坐卧飄飄舞鶴飛日出閑無事又回舟

讀前輩詩文有感

我無前輩千鈞筆造物爭功謝不能已分文章

歸委靡可憐意氣尙憑陵鸞旗廣殿晨排仗鐵

馬黃河夜踏冰此事要須推大手蟬嘶分付與

吳僧

自嘲

天公大度一何奇養此無能老白癡宿疾閒愁

俱掃盡美餐甘寢更無時蛙鳴庭艸何曾問水

半門扉亦不知道似嬰兒猶有恨小軒風月獨

哦詩

余讀元次山與灤溪鄰里詩意甚愛之取

其間四句各作一首亦以示予幽居隣里

峯谷互回映

北起成孤峯東蟠作幽谷中有十餘家蘆藩映

茆屋土肥桑柘茂雨飽麻豆熟比鄰通有無井

劍南詩集 二十五 漢古唐
稅先期足煙中語相會月下歌相續兒童不識

字未必非汝福

張芸叟過鄭公故莊詩曰
兒童不識字耕稼鄭公莊

誰家無泉源

泉聲百步聞泉脉高下通潺湲亂雲外屈曲明
月中八月稻登場引之作機舂羨流灌蔬畦全
家飽芥菘洗沐及澣濯蚤莫靡不供斗水百憂
寬悲哉杜陵翁

夾路多修竹

黃茆持覆屋溪石運作垣桑麻有餘地家家養
龍孫春雷初起蟄切玉供盤殮一朝解風籜變
隸蒼雲屯我來倚拄杖恐是辟彊園千畝倘可
致封君何足言

扁舟皆到門

千錢買輕舟不復從人俗樵蘇晨入市鹽酪夕
還舍豈惟載春秋亦足穫秋稼有時醉村場老
稚相枕藉常侵落月行不畏惡風嚇無爲詫軒

車此樂予豈暇

東山避暑用轆轤體

避暑穿林隨所之一奴每負胡牀隨望秋槁葉
有先隕未算赫日無餘暉輪困離奇澗松古鈞
輒格磔蠻禽悲北巖竹間最慘慄清歎倚石真
忘歸

喜雨 六月二十七日

去年禹廟歸梅梁今年黑虹見東方巫言當豐

十二歲父老相告喜欲狂插秧正得十日雨高
下到處水滿塘六月欲盡日杲杲造物已命摧
驕陽夕雲如豚渡河漢占書其謂雨至祥南山
雷車載膏澤枕上忽送聲淋浪猛息濁酒大作
社更想紅稻初迎霜六十日白最先熟食新且
領晨炊香 六十日白稻名常以六月下旬熟
得故人書偶題

小築稽山下狂歌剡曲傍鄉鄰笑雞黍童穉學

農桑白首餘年促青編後日長此心誰復謀三
歎付書囊

喜雨歌

不雨珠不雨玉六月得雨真雨粟十年水旱食
半菽民伐桑柘賣黃犢去年小稔已食足今年
當得厭酒肉斯民醉飽定復哭幾人不見今年
熟

老學菴井

老學菴北井六月寒如水大旱不涸雨不增凜
如人以常德稱日濟千人不驕矜置而不汲渠
自澄轆轤三丈青絲繩對之已足涼肺膺使我
終日臥曲肱顧謂此井真良朋蕩除炎歎却塵
垢宜有鬼神來護守嗚呼涇水一石泥數斗正
使逢時亦何有

長歌行

我無四目與兩口但在人間更事久死生元是

開闔眼禍福正如翻覆手消磨日月幾緇履陶
 鑄唐虞一杯酒既非狗馬要蓋惟那計風霜悴
 蒲柳竈突無煙今又慣龜蟬與我成三友判知
 青史無功名只用忍飢垂不朽

參日七月二日夜賦

鄙人志趨在漁樵四十年來負聖朝本恥彈冠
 良易挂未嘗刻印敢煩銷盈盈微月生江渚嫻
 嫻清笳下郡譙衰病逢秋真一洗井牀桐葉已

先飄

自述

二畝新蔬圃三間舊艸堂病除身小健秋近夜
 微涼薄酒時醒醉殘書半在亡老懷常自笑無
 事忽悲傷

八只又軍千里

睡美不知旦氣衰先覺秋有時浮小艇隨意宿
 滄洲未恨名風漢惟求拜醉侯更須多種竹搔

首送悠悠各風動
蘇美項羽巨象
八尺將軍千里騅
無施處路到烏江君自知

二袁劉表笑談無
應歎息人間更有一周瑜

劍南詩彙卷第三十九

